




青羊周公世家




徐元明撰



陋哉世俗之爲也榮則羨嗜之利則慎求之此謂名蟻戀羶蟻  
附臭敗外教不可言矣良由乞脉於大男女者不豐而嗇故知  
識竟以門第隘焉所貴乎天地爲廬清虛爲友日月星辰爲經  
綸兼之筆搖五嶽硯吸滄溟斯爲真心量則烏知草茅佳士無  
帝王襟度哉然博觀吾世指不能多屈者政以難舍門第而冒  
爲索也夫門第何可易言舍五帝三王之後史書不列經傳不  
詳而有自號非凡者對故家遺俗而骨器遂奄奄弱矣茲海昌  
洛塘周氏本岐維相傳嫡系其先偉人吾弗克面訂然據文獻  
足徵者爲百世之品及青羊周公出令人不可方物則所謂猶

龍者實居之無忝至於備衆美而光氏族又其淵源之所必然  
何必與生今之縉紳富民銖銖較華瞻厚實也予是以倣太史  
公意而譜之於世家誰敢胡盧其不宜



*[Faint bleed-through text from the reverse side of the page, including characters like '公意', '世家', '胡盧', '不宜', '太史', '公意', '世家', '胡盧', '不宜', '太史', '公意', '世家', '胡盧', '不宜', '太史']*


明國子生仲羽周公墓志銘

文林郎知伏羌縣事姻弟蔣薰拜撰

君周氏諱明翊字仲羽海寧人祖諱甸贈中憲大夫考諱令德  
長蘆鹽運副使改麗江別駕別駕公二子長諱明輔後其世父  
觀察公君其仲也幼孤有志節從母適某者疾篤君偕兄往視  
出一篋金遺之堅不受時君方十齡也及長嗜學文譽並起有  
汝南雙鳳之目旣皆餽於庠淡於進取天啓間兄舉賢良科不  
就而君晚始貢南畿亦不樂久居也家故多蓄書君益所未備  
丹黃甲乙日事尋覽好吟咏與兄同遊高廷禮之門深器之爲  
人溫厚端謹尤敦本行君先世自汴扈蹕南渡宋末由錢塘徙

寧宗祠未立君怒焉憂之會主墓田出納乃陰捐橐益儲峙卽  
薇山下紫薇閣更新之奉安太常公以下栗主翼翼巖巖蒸嘗  
時舉近世族建祠者程焉族有睨者正色不稍假借其人噤齟  
銜之不爲辱寡姊無依偕兄迎養之終身贖貧族之嚮子者歲  
稔出困粟數百斛抑其值全活無算焚逋券千餘金有古盛德  
君子之風配語溪沈兵馬正大德女生文燦庠生繼構李卜文  
學諱五典女生煒貢生富陽教諭文焜可權俱庠生先是贈中  
中憲爲王新建高弟旁及青烏言臯亭新塋其手扞也君能紹  
之嘗往來西湖得吉壤於集慶山之瑞雲圩康熙庚戌疾終距  
生萬歷庚子得年七十其卒之明年令嗣將奉君柩窆焉文焜

余聳也以狀乞誌因爲叙其生平如此





周徂徠先生行實錄

明州宗弟慶臻彥超父撰

先生諱夢鸞號徂徠厥先汝南濂溪公二十二世孫也濂溪公  
五世孫淵丁宋末造扈蹕南遷卜居錢唐後公猷公臨安死節  
伊中嗣肇允以不食元祿遁海昌洛塘方全村再數傳而澹齋  
公敬於肇允爲五世孫愛山水之勝分第於硤嗣後青羊公珽  
繼其業無墜家聲而徂徠先生廼青羊公長裔也自澹齋始硤  
迄今又五世孫矣先生少穎異弱冠有奇名且膂力絕人文武  
奇英異日將相之任何異始祖漢絳侯勃乎因就試海昌不利  
先生曰大丈夫負卓犖之才抱雲霄之志東西南北吾所遇卽  
知已何必向一人求售哉而吳興孝豐縣令馮士衡爲先生韓



荆州輒庠先生然先生不以一庠自視珠璣盈筭洛陽紙貴如  
蘭棕篤行於世當時赫然以爲大器攸歸周氏其後耀乎頃之  
世路風靡仕進非賄不行先生亢爽豪舉天性勁烈而又於  
文墨間望人顏色遂慨然曰士固有志不可強也漢徵處士周  
黨不就吾其周黨裔何無同志且士卽不膺簪紱光宗祖居家  
孝子親友於兄弟睦於閭里親友有不足捐其精以周賚黨族  
有不平從所公而處分布衣蔬食拾棘烹茶朝詠清風夕彈明  
月先生豈塵俗中人乎夫泰山之傍有徂徠山內構六逸堂李  
白諸君子遨遊其間今先生曠懷何以異是宜乎先生之號徂  
徠也抑先生高祖澹齋公有唐詩選脉貽後先生考青羊公續

焉始有詩刻疑夢編繼有萍社草又繼有唐詩選脉評林二千  
餘紙雲間陳眉公校正者人但知自青羊公手裁而不知青羊  
公一生纂集非得徂徠先生孰爲之鐫行於世乎雖謂伊考作  
伊嗣述可耳且青羊公曰吾周宗譜前濂溪公輯之中幹之公  
暨伯和公輯之后肇允公又輯之迄於今而舊本不加再輯傳  
之世世不幾成散帙乎廼青羊公始其志而徂徠先生輒求汝  
南金陵江西廬陵徽州吳江錢塘諸暨山陰餘姚明州與海昌  
諸派或誥勅或傳說或墓誌或像贊彙成一帙垂之永久俾支  
派分明昭穆章別其承先啓後功非淺鮮則青羊公得合嗣而  
更不光烈哉先生生萬歷癸巳娶胡陳村鄉進士任巢縣令胡

廉伯弟慶伯之次女生子文炳聰慧絕倫有繼大父及父志配  
海昌袁花鎮上進士仕兵部尚書祝以幽第以廊長女而文炳  
及不佞受業第也不佞與徠先生遯世譜雖居明而實同宗  
派且與青羊公徠先生素稱善因囑筆而贅之詞合千古世  
世得以悉徠先生之行實則青羊公之行實益彰矣


周徠先生行實錄

鴛水晚生夏之王秋君父撰


先生名夢鸞初名明偉字元度號徠青羊先生之長子也自幼慕先世絳侯事業弱冠有奇名且篤於孝友父母兄弟之間無不相懽而道於善長通諸子百家言凡天文地理韜鈴音律騎射擊刺潑墨塗鴉皆得博通而淹貫習易經遊孝豐邑庠青羊先生以其長而多學囑之曰家之事予任之二弟學識之高下子爲我成之先生於是唯焉遂攜二弟讀書於市南之梅花書屋晨夕分題講習呶唔無間後皆得成偉器會崇禎壬午歲闖賊播亂方國三月十九日明帝思宗遭難奮然有澄清天下之志遂棄舉子業就兵部職方司員外何剛之聘題授浙直水

營都司之職時權奸馬士英當國匪人盈朝告歸田里適提督  
下江監軍道荆本徹知其賢能親臨過訪題授遊擊將軍強邀  
姑蘇福山任事無何清兵渡江鎮江城守失浙直風靡潞藩召  
爲參將尋擢督府總戎清師擄之入寨以原職加三級任事勸  
降先生固辭曰不能以死殉國有玷家聲多矣烏能鼓其餘勇  
以事二君哉且丈夫不能以死成孝或移孝作忠白頭之二親  
在堂未敢以身多辱也大清諒其賢而釋之遂優遊林下縱情  
筆墨時作小詩以自貶有身遭亂世悲殘喘鬢染雙絲怯暮年  
之句生平仗義疎財無間親疎必周給之以故家資涼薄然亦  
淡足自如無求於世斯方之吳之周郎漢之諸傑不過是也先

生生萬歷癸巳四月十一日戌時配吳氏生子文炳余與合嗣  
同筆硯因得其始末謹作傳以誌之



先生曰解曰不能...  
 以事二君哉且丈夫...  
 在遠未敢以身多...  
 同筆與因辨其...  
 主坐滿烈矣日四...



周白於先生行實錄

門人夏之王百拜撰

先生諱應鵬原名明任號白于青羊先生之季子也幼閑易學凡天文理道之精微無不研之洞悉至於舉子業先生若視爲糟粕然每以餘晷略及之弱冠有聲文壇補平湖邑庠生宗黨例有慶者先生概謝之曰此小售耳豈吾人見榮之場耶由是志益奮學日進而先生之心猶未已遂棄家而遊學於越或問之曰公始宴爾琴瑟自好可也且公之才欲博一第以爲家門慶猶拾草芥耳何亟亟爲先生曰嘻予之志豈謂是哉學成而名顯始不愧所學名卽顯而學未成寧不疚於心今幸天子我以歲月薄產資我日用而吾身且自得其強壯於斯不學殆無



日哉奈明季朋黨日熾公行賄賂士無所階名淹沒而不彰者  
何可勝數預知世之必亂先生曰與其老於咕嗶不若退而修  
德遂閉戶不復談名利事是以先生之姪粲谷者贈以詩讀書  
三十年家無聞知之句會清兵入浙先生之叔氏諱宗彝字五  
重諱啟琦字瑋光者共舉義旗閭門殉難先生揮金以收其骸  
骨所遺家產兩家各巨萬族有議繼先生先生因長吟曰錦茵  
繡幕阿房麗睡熟寧知儉與奢悉讓仲兄君佐有之其居貧守  
拙若素性也家庭之間惟務簡約晨夕自考其功過出入必省  
其臧否於父母則竭力以事之而甘苦溫清之中自有愛敬之  
篤不樂有孝聞也於兄弟則云友于矣而於彼此利害之中有

委曲相申之誼并不欲有悌名也至於閭里親疎極其和平惠  
愛而力有未能而心無不至也蓋世之理亂不入先生之耳久  
矣而先生猶厭市廛之譁搆一廬於硤之西南麓顏曰靜適花  
之朝月之夕或高朋異至或胡牀獨倚或好鳥窺牕晴光穿簾  
時而張絃以樂其性時而賦詩以寄其志時而飲酒豪歌則四  
座歡暢濡毫落紙則千里烟雲此皆先生會於道之通而作遊  
戲三昧耳年四十九先生未有嗣常以爲憂人解之曰厚德不  
爽報洵非誣也公之德人知之公亦知之奚憂無後哉至四十  
六夢拾一星果驗得子爰名曰文燿天之報施善人其信然哉  
先生生萬歷乙巳三月十四日巳時原配郤氏繼娶夏氏子係



外祖母周太孺人節孝志畧

外孫崔學淇拜撰

淇

束髮受書時吾父方在外舌耕母氏爲之明句讀審音聲口

授孝經論語暇則與兒談外祖母往日事至今猶能憶之外祖  
爲丙山公長子出繼行于公行于公早歿外祖事繼母至孝又  
性耽經史討論鑽研至忘寢食年未逾壯竟以勞瘵而卒時舅  
氏甫七歲我母自外祖見背後踰月而生當是時堂有垂白之  
姑方資餽養姑性豪華不耐寒儉食必兼味夜必燒燭舅氏方  
出就外傳歲時需束脩而先世所遺瘠田不能二十畝除縣官  
稅僅可支數月糧外祖母晝則壓鍼線夜則鳴機杼舅自塾歸  
宵共一燈執卷咿唔與夜紡聲相和或至達旦人有過其門者

歎息爲之泣下後堂上姑以壽終一切喪具竭力措辦悉如禮  
法凡此十餘年間仰事俯育養生送死子身綜理內外諸務左  
右支吾爲最苦我母言訖淚與俱淇在旁諦聽不覺涕泗之交  
集也自是以後我母稍長勤女紅以相佐助迨舅氏學成爲諸  
生迺得謀脩脯以顧養然太孺人習勞如故雖勸阻不肯少休  
常誦敬姜勞逸之言以自勵且以示訓焉太孺人母家爲吳興  
朱氏前明光祿寺卿長春公之曾孫女而明經瀚祖公之女也  
道遠不能時通音問常歲一歸省或間歲一歸省歸則挈吾母偕  
往然不旬日卽返其在家非有故不出門族人罕得見其面體  
素豐偉容止端莊笑言不苟見者肅然生敬素諳大義諸外叔

祖事無大小必來咨稟然後行一經分處鮮有失者歲在辛卯  
舅氏舉於鄉太孺人年踰六秩矣距外祖歿蓋三十餘年然後

一解顏焉嗚呼此皆

淇

幼時聞諸吾母而猶能述其大畧者也

淇

自十齡偕弟

泗

來從學於外叔祖西寒公時舅氏適在家常

得見然頗憚舅氏方嚴却避不敢近詎料踰年舅歿於京邸竟  
欲見而無從也是時太孺人痛舅氏甚於痛所天我母憂之甚  
具舟迎至橫山百方寬譬得稍假自是來往於家歲以爲常

淇

兄弟因得以朝夕侍左右焉太孺人性好儉常服布素晚年畏  
寒始御綾絀裝以輕綿表兄爲製一裘服十餘年如新製然性  
特仁慈遇人窘迫解衣質庫以予之雖其人過時不能償亦無

所悔其於兩孫尤愛大表兄璟於兩外甥尤愛第泗吾母先外


祖母三年而歿恐增悲傷不使聞知其後亦終不之知也雍正

乙卯秋卧病不能起秋闈放榜聞大表兄捷音乃驟然一笑既

而又聞吾弟同捷遂大笑笑訖而逝外祖母守志凡六十年表

兄呈詞當道具題蒙恩旌表入節孝祠

*(Faint bleed-through text from the reverse side of the page)*



文學周靖遠暨配朱節烈合傳

刻拙齋集

朱奇齡撰

靖遠余館甥也名大堡世居海寧之洛溪爲清白吏子孫傳家篤厚父若木君娶於朱子從妹也生靖遠靖遠甫生彌月卽爲其伯父似青公後以嫡長承祧義不容緩故也公生而岐嶷容貌端莊自總角至成人好學不倦爲文娟秀有聲光愛之者如春花秋月不忍釋手天性溫厚過人少嘗過予家予甚愛之若木因與子議婚予遂以次女許之靖遠已後伯父而兩執本生之喪皆哀毀盡禮蔬食禁酒累月三年之內未嘗與讌聽樂若心喪然旣娶總理伯仲兩家之政甚煩且瘁然未嘗以此廢學



事兩叔父至謹撫同懷兩弟至友解衣衣之推食食之惟恐有  
一毫弗盡以貽先人憂其於宗族鄉黨皆極其厚不計有無常  
相周卹接人以和御下以寬終日之間未嘗有疾言遽色人有  
犯之者輒談笑受之有唾面自乾之度故人皆曰靖遠真長者  
也無智愚賢不肖莫有怨者平日文雖工艱於童子試年弱冠  
矣望一衿如望歲於是益發憤讀書遂積勞而成疾年二十五  
始受知於邑令田公試冠軍其冬補博士弟子員方期鵬程九  
萬而疾轉劇矣明年春竟病卧不能起百方治之不効寢百日  
而歿吾女號慟幾絕以頭觸棺欲身殉之爲衆婢所持得免然  
從死之念未嘗須臾忘也自是而後哭晝夜不絕絕粒十餘日

諸母強之再三乃爲進一餐旣而曰吾所以未死者以君子未  
葬耳而義不獨生也嘗作哀辭有曰身雖未死心先逝無奈偷  
生未葬時血淚千行誰得拭夢裏逢君先報知又有曰幾年悲  
恨不同行百結愁腸對暮燈孤獨兩全無活計早將一命付陰  
君女有怯疾憂思不已而疾乃日甚於是竭力經營三年喪畢  
竟得葬靖遠於舍傍隙地當是時靖遠本生父母俱未葬吾女  
悲其暴露久也欲爲之營域身任其費而反有撓之者遂不得  
併葬焉然其孝思亦概可見矣葬已又爲之詞曰葬賢已畢今  
該死緩死將歸別老親難解難開愁萬斛昏昏只向死邊尋數  
年之間作詩甚多大率類此不可殫述蓋吾女夙嫻婦德喜讀

書識義理其樹立之有素也今年夏抱病歸寧終日不笑不語  
寐而涕泣枕席間皆有淚痕晝亦不起窺其意若不欲生者勸  
之食不應爲母者痛哭強之或啜粥數口輒已然竟絕粒而殞  
初靖遠之喪無子以從弟右瞻之子光錫爲後今尙未成立而  
吾女又喪死者之志則遂矣而生者之慘傷又何如也吾女故  
久病有瘠容含殮之日神采煥如觀者莫不嘖嘖嗟異之也嗚  
呼余生二女長者於丙寅之冬以節孝終予旣紀其事矣而少  
者復死於節十餘年之間兩遭女喪何不幸至此耶雖然其少  
而寡同其死亡同其貞節又同使鄉黨鄰里共指而稱之曰雙  
節則予之所謂大不幸者乃所以成其大幸也夫

周東溪公五世合傳

武原吳光第拜誤

周公東溪漢絳侯五十五世孫也諱誦字廷宣東溪其號也性淳樸閑靜少言祇服父事克儉于家慕白圭之行高猗頓之風嘗與縉紳之士往來晉接輕財仗義之譽嘖嘖人口一時樂親公之顏者駸駸乎若荊州之門人所願識焉舉凡睦黨族卹孤獨好施與其事不勝枚舉洵有明一隱君子也居恒寂處一室每苦蝸廬之窄於是相協厥居始遷於洛塘之南大厦落成危樓特聳故名其地曰樓下元配李孺人治內謹嚴克遵古訓繼娶武林陳揮使女三娶莊氏兩孺人力於內助儉而有禮動無違事公之家業日起三孺人與有勞焉其教子也嚴而有法故

二子俱能以義方自持長子卿字惟康號洛川次子邨字維蕃  
號仰雲俱南京太學生也洛川先生嗜學不倦著述富有纂輯  
家乘源委畢駭凡事關名教者罔不黽勉爲之配徐孺人生子  
承祖嘉靖間盜賊蜂起因有城市安居之恩爰徙居崇德城無  
何寇逼雖挾偃陽之堅何異宋人之憊然匹夫壯志自矢彌堅  
未幾城覆于隍遂至丹心徒仗碧血誰埋夫以危急死亡之秋  
而以一介之士扞禦其間此誠毛錐之利足以當長槍大戟所  
謂冒白刃而不辭殺身以成仁者歟弟仰雲慟兄犯難攜姪旋  
里撫如已出自幼以至成人教育之功無或稍懈秉性豪縱深  
得時止則止之義僑居洛南時或乘皓魄溯清流往來洛水之

間每多風流雲散之感因號爲仰雲云配莊孺人生子啟祈啟  
雍啟歷啟歷字元治號岐山蕩析之後家計堪憐然亦善於幹  
補跋涉險阻雖遇疾風暴雨不憚勞瘁億則屢中前人豐厚之  
緒遂來復焉元配張繼娶姚生子三長愈昌字憲葵配褚孺人  
次念昌字宗葵配洪孺人皆邑庠生也生子各二憲葵先生幼  
聰慧有過人之姿舞勺之年已舉茂才洎闡試已擬元矣未揭  
曉同寮以不明之見相爭不下遂置之有司深爲惋惜勅送儲  
魁匾額以表其門噫文人少達而多窮千古同一嘆也季弟奎  
昌字宸葵性恬澹因伯仲二兄皆以髫年受知故處境雖困而  
一甕黃蘗半席青氈未嘗廢佔畢也配歐孺人幽閒貞靜亦克

泮坊月日家身 卷一 三  
用勸當風蕭雨晦之夕四壁蕭然一燈熒然并刀之聲若與書  
聲相和答然想樂羊之風不是過耳年逾弱冠乃補諸生居家  
克恭厥兄雖家無儋石晏如也生子時發道發庭闈之間不解  
辭色時以禮教策勵其子越康熙丁巳而卒年七十有一歐孺  
人年九十而卒時康熙乙亥歲也俱膺

紫誥榮及子孫周氏自漢以來世有令德而東溪公克廸前人  
光垂裕後昆溯及五世亦越兩朝繼繼承承俱克繩其祖武非  
所謂積善之家必有餘慶哉近因周氏將以家乘付梓屬傳於  
余余與周氏世有姻好雖不獲親覩其盛抑嘗尙論其世而心  
嚮往之何敢以不文辭于是始爲之傳

國子學生順天公家傳

族孫勳懋

公諱大昕原名之敬字順天行五太學生爲宋道國元公五世孫太常公南渡居錢塘宋末職方公殉國難遺孤仲潢公遁居海昌之洛塘里三傳至梅隱公生三子長澹齋公次節齋公次尙德公自澹齋公孫亭山公分居塘北爲勳懋八世祖節齋公

子東溪公分居樓下爲公之五世祖樓下與余居相距僅二里許而健菴公嘗與先子同讀書於接濟禪院勳懋又與翠庭叔


祖同遊於庠故知公之事諭會懷邦叔祖排比公行事將列入譜牒屬余傳之余雖不文其奚敢辭謹按公生五齡卽遭子舍公大故隨諸兄執喪若成人禮衆咸異之家故貧母沈太君日



習經織以佐薪水公稍長慨然曰古人牽牛服賈孝養厥父母  
余何伏處牖下不思循陔以謀潔養哉遂習經營脩嘗艱瘁家  
業稍充裕爲治田舍以供甘旨延名師課子敬禮無怠堂姪莫  
階有志勵學力不能從師每於書舍外竊聞緒論公憐而收之  
飲食教誨之後以孝行推重士林與健菴公均爲宿儒公之德  
也公節食省衣自奉儉而祭祀賓客從豐遇困乏患難周卹拯  
救之不稍吝里中人均以長者目之公生于康熙己未四月十  
九戌時卒于乾隆甲子三月廿一日申時享年六十有六元配  
沈太君繼配陳太君生子三長光學太學生次光睿三光上太  
學生孫八人曾孫十四人元孫二十有二人自東溪公而下丁

口之繁盛惟公之後爲最且也世安耕鑿則知稼穡之艱難世  
守詩禮則知名節之防閑無遊戲牧奴之習有和平康樂之風  
公之德有以致之而亦在後之人克紹前休不忘舊德善守而  
善成之遐福其未有艾也易稱積善有餘慶書言惠迪古人豈  
欺我哉聊識此以爲異日左券之操云

其父雖輒斷此以爲異口亦終之樂云  
 其母之誕而長未嘗及也易稱其善亦猶觀昔有  
 公之辭林以爲之而亦亦樂之入其臨前林不  
 其善靈眼於公相之河間無德德公之隆亦時平  
 山之樂靈神公之發流景且由世交博靈眼於新  
 之破鏡世



先考孝廉東岡府君行實

男

鴻魁

泣血謹述

姻愚姪朱馨忠拜填諱



府君諱奕字起旃號東岡元公二十四世孫宋靖康末司農寺丞濬之公自洛塘扈蹕來杭德祐之難職方郎公猷公死焉高隱仲潢公以君父之故恥食元祿避地海寧洛塘里遂占籍焉三傳明徵君澹齋公族滋大次子國學契蓮公分居塘北生贈中憲大夫亭山公爲王文成高弟中副車者三生南鶴公隆慶戊辰進士官至廣州太守清廉推粵東第一崇祀名宦鄉賢繼弟麗江別駕南龍公子文學孟純公爲嗣天啟間舉賢良方正生子三長曾大父行于公未有子卜後本生曾大父文學蕉圃公

之長子兆是爲大父魏子公慈孝嗜學多病早世娶前癸未會  
魁光祿卿長春公曾孫女明經瀚祖公女是爲大母節孝朱太  
孺人實生府君府君生七歲而大父卒大母撫而教之年二十  
六補諸生第一辛卯舉於鄉四赴禮闈不得第乙未以例赴部  
揀選丁酉復上公車明年卒於京邸嗚呼府君一生賣志以歿  
顧讀書勵行事事可法 不肖 不能表揚父志先嘗乞傳於叔祖  
柯雲公未遵所請而柯雲公歿府君少年事 環 不能詳悉者竊  
聞之大母曰爾父鬢角見於蕉圃公公撫其首曰吾兄績學躬  
至德後宜昌因小字昌祖爾祖病草時以屬諸祖祖相持泣爾  
父慟哭失聲居喪哀毀逾月日奮然拭淚起曰兒往就傅矣自

是絕不與諸兒齒舉止若成人稍長從諸祖讀書深夜獨不輟  
嗚咽異他時間從隙窺之淚痕泫泫然且讀且自罵曰若不能  
立身行道揚名後世以顯父母惜此身何爲蓋自少小刻勵如  
此府君弱冠通經史百家言文譽日起顧急急於敦本力行授  
徒邑中講貫皆本躬行心得於古今邪正是非得失之介尤反  
復辨論丁亥後歸課不孝者五年嘗手纂先正書數卷授不孝  
曰熟讀精思當自有得庶弗壞濂溪家法不孝敬受訓又謂制  
外所以養中自夙興夜寐服食言語坐立拜跪之節一衷於禮  
辛卯登賢書初試禮部有居清要者雅重府君招之飲欲授以  
私言府君緩辭謝之下第居京師不與通顯交接然車轍多長

者貴公卿時折簡問起居府君報謝而已河南學使吳公卜雄  
慕而聘之批閱試卷必反復再四獎借指摘靡不受益又慮爲  
私所中試封印學得童子連號兩佳卷廉得其弊斥之三年所  
至稱吳公得人間條議學政事宜數千言寓書臺省先達甚見  
採用吳公負才畧罕信任人獨敬服府君嘗欲招致門下顧憚  
府君方正未敢言一夕酒酣言之府君府君正色曰公方矢清  
慎表率多士一浙滸腐儒遽不屑友事耶某不能爲勢屈請從  
此辭吳公驚起謝罪乃已四赴禮闈不得志丙申館陳學士邦  
彥家丁酉秋學士挈眷京師府君亦北上戊戌復下第時府君  
已循例揀選冀早捧檄娛大母退乃哀集六經箋疏并諸名家

詩文鈔手加標點將各輯爲一編惠來學書未成得膈疾康熙  
己亥二月初五日卒於京邸得年四十有九嗚呼痛哉府君性  
篤孝事曾大母顧太孺人大母俱先意承志大母勤儉治家雖  
老不廢織紉府君嘗跪而請不許則謹伺於旁衣服飲食時以  
進姑母適庠生崔京錄者生而背父大母憐愛之府君友愛倍  
至竭蹶治奩具益以母孺人衣飾器皿嫁之數月大母念之甚  
卽邀歸分室之半居之五年辭去復留養諸甥以博歡教育視  
不孝等有加是時家政繁劇內外惟倚辦脩脯府君潔甘旨外  
蓄菓餌分給諸表弟妹大母顧而樂之知大母性樂施族姻貧  
者必多方賙之奇窘不以聞也父事諸叔祖柯雲公豪於詩酒



或時維諧謔府君能面諍公公屢俯聽暮年亟稱府君篤於本  
行乃吾家培養元氣之人亦可見其概矣西寒公幼失乳鞠於  
大母受室後割所有與之視諸從父怡怡勝同胞諸從父亦敬  
府君如父先是伯祖扶風公歿家業悉蕩廢二孫以浮糧迫於  
追呼爲上納謀除其征有儻居者造僞券啟家釁卽代償其值  
事得寢舉期功以下三喪不樂事生產手一編天懷泊如廉於  
財壬辰計偕貧乏不能治裝里人有誑誤觸刑網吏持之急懷  
白金數十兩奉府君求言於令府君怒揮之卒爲白其寃嗚呼  
府君行事真一一可對神明質衾影而卒抑鬱客死屬纊之際  
不孝遠隔數千里府君力疾手書以不獲終養大母痛自引咎

命陳君孝先製齋疏納諸樞賢人善類莫不有詩文哭弔之鳴

呼不孝

何心尙忍言哉方府君未第時夢神告曰歲在卯爾當

第再叩之曰慈源府君覺而喜謂吾母一生苦節其得所報乎

既而寄櫬於慈源寺竟合斯讖嗚呼天道如此尙忍言哉府君

鄉薦房師卽都察御史允功太夫子唐公今爲北直制府者也

庚子璟

方飢驅都下會都察公開宴招門下生飲

璟

與焉酒既

闌公喟然目

璟

歎曰今安得有周生其人乎周生遊京師久不

通一刺於大人先生朔望詣余所或一見卽去或歛談竟日去

軒軒乎若鴻翥淵淵乎若泉澄周生知有余亦惟余知周生而

天奪之速命矣夫言訖歔歔泣下嗚呼府君生不獲遇而沒世

猶有惋惜歎賞如公者豈非虞仲翔所謂得一知己足以不恨者乎此不孝等所刻骨不能忘也府君偉幹眸容神儀高朗遇

人藹然而裊躬莊肅不苟嘖笑人自不敢以非禮干之與同里

朱惠疇先生交最深故以女字先生次子丁酉入都過其廬握

手言別甚歡然皆早哀相顧淚下竟先後捐館焉他加醇村張

公武源徐公巍城朱公傳書沈公咸稱莫逆晚年益工詩古文

讌梁古名蹟題詠幾遍藏於家者詩古文三卷時文六卷母朱

孺人國學合威公女子二長璟雍正乙卯舉人娶夏氏國學景

賢公女次鴻魁庠生娶朱氏文學伴梅公女女三一適祝一適

朱一適徐孫四廣業成業不孝璟出大業建業不孝鴻魁出璟

明年某月日卜葬於白獐村之原粗述梗槩語無詮次伏冀  
仁人君子錫以傳銘用光泉壤無任哀懇感泣之至時乾隆丙  
辰冬十月謹述



孝廉周起旃先生傳

寓園許文炳拜撰

憶康熙丙子歲余五齡出就外塾先祖延外兄旦中爲余師師爲學使顏公科入邑庠第三而首拔者則辛卯孝廉周先生起旃也斯時余堂兄同文亦入郡庠第三因此先生以同學締交又所居洛塘南北相去不踰數里時來塾中與師及兄講學談文每竟日夕不倦由是余始識先生而先祖嘗指示余曰此吾友丙山兄之賢孫而魏子兄之哲嗣也七歲而孤母朱孺人教養備至世兄入奉慈訓攻課下帷學純行粹名冠時英將來克紹南鶴先生之緒者汝當師事而矜式焉余時年雖幼已心誌之弗忘先生之叔柯雲偕令謝維孝穆西寒諸先生皆博學能

文聲稱庠序先生之妹丈橫山崔嵩高先生爲余世父蒼摩公  
高第寄海寧籍入庠試輒前列先生相與質疑問難互爲砥礪  
以故文辭卓犖沉酣經史中迄辛卯秋闈與余堂弟純也同雋  
賢書是科副主試爲大興聿修薄公本房考爲武進允功唐公  
兩公皆叔祖門下士蓋昔以交情而復繼之以世誼者也先生  
四上春官一就中州學幕所接見名公鉅儒皆以國士相期許  
可早掇大魁盡舒素抱而乃阨於數奇於戊戌之歲偶患膈疾  
至己亥仲春卒於京邸時年未及五旬也凡屬交遊族戚無不  
惋惜痛悼以先生之天性則孝友慈仁襟度則謙和縝密操持  
則世味不汨而潔清自好學業則氣概沈雄而根柢淵深何豐

於才而畜於年乃如是耶先生既歿兩嗣君克自振拔凡立身  
應務以及研經書爲制義恪遵庭誨長君膺乙卯鄉薦次君補  
博士弟子兩甥崔君先後歌鹿鳴皆先生訓迪佑啓所致也詎  
意兩嗣君俱不永年未獲大伸先生之志余聞之輒爲歎息今  
幸分孫致堂勤圃兩昆季皆年少工文闡試鼎薦者屢矣夫積  
之厚者流自光行將祖武其繩翩翩雀起以恢宏先生之貽謀  
者正未可量余雖衰老當拭目以觀其後也





孝廉周君暨配朱孺人墓誌銘

許焯

康熙辛卯吾浙舉行鄉試與余同捷者寧邑凡十人阨其遇而  
豐其德文行交修罔玷缺者輒爲周君屈一指君諱奕字起旃  
號東岡居於洛塘明隆慶戊辰進士廣州太守諱啓祥之元孫  
廩生諱明輔之曾孫文學諱文爚之孫也考諱學舒邑庠生母  
朱太孺人君少嗜學寒暑食息罔間齟齬擦觚卽卓犖有奇氣  
年二十八補諸生是時學使顏公推海內知文鉅手拔君冠一  
軍名雀起及舉於鄉學益邃其爲文初事篤峭廉悍繼乃大放  
厥辭含咀英華光瑩熒然卒歸平淡泊如也每進而上兼工詩  
古文詞有集三卷時藝倍之每一篇出人輒口相傳以誦以是


吾黨莫不稱君之文君七歲喪父有至性哀毀骨立及就傅舉  
止如成人事母孝視聽於無形聲以養厥母母愛其女君竭蹶  
治奩具悉以妻衣貲器皿佐之分室之半以居留養其子女雖  
窘迫不辭亦不使其母聞之也近族有孤困無聊者削衣貶食  
周之爲代償逋累不倦家益貧願廉於財北行乏計借費里人  
以白鏹求君乞請於當事揮之去曰士窮立節當從此始四赴  
禮闈有當路欲爲之推轂者毅然不可四下第怡如也終不改  
節河南學使卜雄吳公慕君名聘君黜陟文卷爬羅剔抉咸當  
衆稱吳公得人吳公愛其才欲招贅門下使客微動之君正色  
曰賓主獨不如師生乎余固非可以勢屈可以利誘者學使慙

而止君鄉薦房師武進允功唐公也唐公爲都御史時每歎曰  
今日安得周生其人乎館京師四年不投一刺謁卿相之門朔  
望詣余折衷文史外無一私語其節操堅定類如此以故吾黨  
莫不多君之行余與君性相近契最深在輦下絕造請獨兩人  
更相之適每聚首輒談古嘉言懿行相與磨礪一日私扣君曰  
君何師君曰此母氏之訓也余少孤夫人訓之嚴一言一動不  
使稍越禮初入都詔之曰爾頗憶昔賢有崔元煒否勉之慎弗  
苟圖利祿爲也余拜受教至今不敢失墜其得於家訓乃爾又  
聞君配朱孺人賢識大義君困公車諸戚友或勸之于謁君不  
答退述于孺人曰于君何如對曰窮達有命祇取辱耳君笑曰

真梁鴻妻也其他事姑訓子克盡禮義卽君之厚於女弟亦孺人襄贊之力居多君之賢固根於性而又得母夫人之教與孺人之內助宜其言行精潔完好無玷也康熙己亥二月君病卒於京師年四十有九乾隆壬申孺人以壽終年八十三子二人環乙卯舉人鴻魁邑庠生女三人一適祝一適朱一適徐孫四人曾孫三人噫以君辭華加君操詣宜大爲當世施用顧僅以孝廉老兩子俱不永年天之生斯才也其謂之何雖然君之孫二人者俱補博士弟子矣長曰大業次曰廣業少有志節文行酷似其祖韓子曰位不稱德者有後天之栽培名德意在斯乎乾隆戊午正月五日君之子奉君祔葬於白疇村之祖塋未及

納銘今歲乙亥大業兄弟將以十二月二十一日穿壙合葬孺  
人廣業持行畧至余宅乞墓銘余以同年好友不敢辭銘曰  
有蔚其文有覺其行胡止于斯不求不競德盛而晦天意有在  
將興其門以俟其孫

之師學人鴻魁邑庠佳文三人以遺取之遺徐氏  
 人可孫其人應以君辭舉加君操誦宜大為當世施用而  
 與其明以發其終年天之生才也其謂之何  
 不其其文神覺其時出未與不乘不敵無盡而到天意每  
 人與業精許舉至余空於藝餘余以同筆校文不錄報論曰  
 賦論分賦了友夫業民微錄以君誦其三十年其家轉合藝



先祖妣朱太孺人行畧 承重孫廣業謹述

先大母朱氏國學生諱協顯合威公仲女也世居邑之藤橋里  
合威公樂梅里之勝徙焉故大母生長梅里幼患痘瀕死者數  
恍惚有神人撫之乃愈年二十三歸我大父東岡府君家值中  
落節孝朱太君以孑身持家計大父既成婚卽舌耕以養大母  
執筵中厨必以豐腆進脩脯不給則織絰針指助之太君性嚴  
有不懌輒面叱大母順受之益加謹大父好讀書不問家人生  
產歲時歸嬉戲北堂外卽呼父叔及諸從祖輩講貫經史或制  
義不倦大母治內政井井有條理自祭享宴會以及米鹽纖悉  
之務莫不得當故大父得以專意於學性端靜寡言笑尤識大



義大父之初試春官也當事欲羅致之執不可既屢下第家用  
匱乏內姻或告大母曰爾能勸夫子求知已者曷患不富貴大  
母曰我夫子勸之必不從且窮達有命不能強徒受污辱耳蓋  
大父端方耿介雅善刑于而大母之恪盡婦道尤有人所難能  
者嘗詔廣業兄弟曰爾祖雖燕處如對賓客非其義絲毫無所  
苟吾事之數十年亦未嘗敢妄進一言誤舉一事也爾曹須識  
之已亥大父卒於京邸聞訃哀毀不欲生而以朱太君在堂飲  
泣靈次戒子婦毋號哭傷老人心先是太君有遺腹愛女嬪於  
崔奩具半取給大母後復迎膳之數年始終無間言至是亟邀  
之歸以娛太君未幾祖姑母病逝秘不以聞使兩甥

學淇學泗

往還尤密太君乃相與忘之乙卯府君領鄉薦大母聞捷音歎  
曰庶可以慰吾姑矣而太君遽爾長逝時年八十有七哀慟一  
如喪大父時命府君速營窀穸事戊午春始與曾祖考同祔葬  
白獐村之原務誠信未幾府君見背大母志益苦賴叔考依依  
終養焉己巳年八十戚黨皆願稱觴大母不可曰吾未亡人也  
何壽爲然體特康健耳目聰明猶喜治木棉辛未冬患傷寒閱  
月始愈聞廣業遊於庠色益喜明年正月促廣業應恩科鄉  
試會適朱姑母以娶婦迎大母往觀禮欣然應之是時舊疴已  
痊神貌益充腴僉謂期頤可卜而叔考及廣業兄弟又各衣食  
奔走不獲隨侍詎意二十一日夜痰疾陡作不省人事參藥不

能投竟爾溘逝屬纊之際惟姑母及建業侍側而已廣業從武  
林星夜奔喪呼號無濟殮之日面如生嗚呼痛哉大父康熙辛  
卯舉人候選知縣例授文林郎大母例贈孺人生康熙庚戌九  
月二十八日卒乾隆壬申正月二十二日得年八十有三生子  
二長府君諱景郡廩生雍正乙卯舉人娶母夏孺人太學方白  
公次女叔考諱灑縣學生娶朱孺人文學伴梅公女女三人一  
適庠生祝諱長庚一適丙子舉人朱諱芹忠一適太學徐諱王  
甲孫四人廣業邑庠生娶盛氏文學軼倫公女成業娶褚氏太  
學生仲璋公女俱府君出大業邑庠生娶陸氏處士蘧軒公女  
建業娶余氏處士佑章公女俱叔考出孫女四人一適郡庠生

張球一適郡庠生陸堯臣一適鹽邑庠生崔師枚一許字文學


朱其升公子家球曾孫二人 功粹 廣業出 功元 大業出曾孫女

二人俱幼初朱太君之葬也大父實耐窆於旁有生壙廣業等

穿之納大母柩焉是宜有銘爰述梗概挂漏良多 伏冀有道

君子賜之椽筆以垂不朽實所切禱時乾隆癸未冬月

天子親之為難筆以垂不殊貴而四執和神對矣未冬月  
 之臨大拜外就其且亦能矣並時神對矣未冬月  
 八九月改師米太甚之奉母太父真恤室欲後而  
 有長公子之奉本自為二人如絲與業出也元大業  
 神對矣未冬月



外祖太學生西銘周公行畧

先生品粹行端誼古鄉里稱長者推矩矱教子而以恭和勤儉

淑女子子女卽

琳

母太恭人也先世本汝南望族遷海寧支分

葉布其居洛塘里者科第蟬聯以碩學方聞馳聲浙東西無論

受業者私淑者皆稱存齋耕崖兩先生而先生家張店營居積

課農桑曾無城府而識有涇渭暇卽手一編以考鏡古今得失

揆厥風趣殆古隱君子流與

琳

不幸生七歲而孤賴母太恭人

教誨得成立猶憶少時從母太恭人歸省見先生治家以嚴接

鄰里以和聯族黨以恩束子姓以儀則而持躬勤慎不怠

琳

始

憚之而繼敬之一日先生他出案上有說部三國志

琳

取觀不

釋手俄而先生曳杖至此曰此碑乘也非汝所宜觀不有承祚  
正史在耶雖然汝所急在經不在史琳自此凡志怪集異與優  
伶譚唱本不寓目一寓目卽如先生攜杖至而奪之冊也以此  
得潛心經義學稍稍進年十八冠邑庠先生喜曰我固謂小子  
有成也太恭人曰一巾汝足乎存齋耕崖於輩行則中表論品  
學則師傅也其謁之而以近藝正之遂執贄見兩先生兩先生  
私相語曰大有外氏風謂先生也旣而曰西銘公族長也墓田  
之所出受成焉公主其事者有年收繳必清度支出入必謹故  
有贍無蝕有溢無虧以供祭祀及贍脩裕如也於今爲難閱歲  
餘偶言於太恭人前太恭人曰此猶未知爾外王父之深也爾


外王父性成孝友時有鄰媪在顧而言曰我祖在以我父精強  
能自奮叔弱愛有加焉我父先意承志推肥受瘠以博堂上歡  
是於今爲難我母汪太孺人龕爇自奉進甘旨以豫順相夫子  
白首相莊無間言是於今爲難有間呼小子琳曰汝他日其誌  
之已酉登拔萃科奉職西曹而先生已捐館舍矣乙卯登賢書  
已未成進士部務羈畱者數載而先世已歸窀穸矣今日者不  
惟先生之道貌不可親接卽我母之縷述先型流連慨慕其聲  
容亦渺若夢中嗚呼不於此述崖畧而存之其能弗愧死陽元  
若云傳先生琳則何敢

誥授奉直大夫



賜進士出身刑部山西司員外郎總辦秋審處行走加二級紀

錄四次外孫蘇琳百頓首謹撰



先考健菴府君行狀

男鶴慶謹述

鶴珠

世恩姪朱兆熊拜填諱

嗚呼府君之歿也越今三十有九年矣

鶴慶

等鈍拙無文不克

貽令名惟兢兢以失守先緒是懼回憶府君一生孝友端方敦

本睦族凡所以畱貽我後人而我後人之德薄能鮮縣延勿替

不辱其先者其來有自府君嘗謂祖之有祠族之有譜為教孝

之一大端有祠則分者以合有譜則疎者以聯保世滋大莫善

於此鶴慶謹誌之弗敢忘歲庚戌府君見背迨丙寅秋

鶴慶

與

鶴珠景濂

兩弟始卜葬府君於宅之東南原遂構祠於墓側承

先志也而修譜之舉因循者幾數十春秋矣往年族衆有議及

譜事併議付剞劂以垂久遠

鶴慶

等欣喜過望毅然董厥成爰

檢府君手錄珍藏舊譜一冊參訂之私幸先人之隱願克償而先人之隱德其可弗彰乎不揣固陋述其崖略曰府君諱維誠原名光上字象九號健菴爲宋元公二十五世孫自添二公遜居洛塘之方全村三傳而節齋公移居於南周橋里節齋公次子東溪公復移居於樓下村卽今之所居者是也祖順天公諱大昕爲子含公幼子舉丈夫子三府君其季也性敦篤仁厚喜讀書寒暑不輟癸亥甲子疊遭大父母喪哀毀之餘綜理家政不復應試援例入成均而望

鶴慶

輩甚切季弟

景濂

天姿穎異

府君愛之督課綦嚴甫弱冠卽遊于庠府君色滋喜謂憲葵公

宸葵公而後書香一脉庶乎不絕矣其力圖上進勿怠厥志詎料季弟年甫強仕遽爾弃世幸兩姪克繼其業早賦采芹從此共相砥礪日邁月征庶幾夙夜無忝所生則吾父吾弟雖死猶不死也府君勤以治家儉以養德寬以待人厚以培後生平足不出里閭鍵戶手一編弗釋見有嘉言格訓悉鈔存之筆力端勁不稍苟處兄弟族黨一以誠人或以懦侮之順受不與校過公事又力任不辭其訓鶴慶等嚴而有法惟殷殷於務本力學念先大父創業維艱兢兢守勿失而尤惡牧奴遊戲之習門以內雍如也亦肅如也府君生于雍正甲辰十月初九酉時卒于乾隆庚戌正月十四戌時享年六十有七配吾母貝太孺人生

子鶴年生女一適海鹽吳竹雲繼配沈太孺人生子三長鶴慶

太學生次鶴珠太學生次景濂郡庠生三配嚴太孺人孫九士

凝鶴年嗣子士雲士鼎太學生士枚士樵俱鶴慶出士雋太學

生慕菘日庠太學生俱鶴珠出徠松邑庠生林桂邑庠生俱景

濂出曾孫二十二勝琪亨通永信有登申之亮之敷之盛之樞

之鏡之簠之簋乙青酉白錫鳳錫鯤錫麟錫驥元孫一可傳會

譜既成謹詮次之以稔後人伏冀世之立言者勿以蕪陋俯賜

採擇則死且不朽

公而錄書香一烈烈乎不昧矣其代圖上遊於息烈亦助

例贈文林郎馳贈登仕佐郎浙江貢士周吾堂公暨配  
贈孺人夏太孺人合葬墓誌銘

年愚姪汪輝祖拜撰

嗚呼此輝祖同年友周孝廉廣業贈公暨太孺人之墓也孝廉  
生十歲而孤恃太孺人長教成立乾隆戊子中鄉試亞榜迨癸  
卯鄉舉而太孺人卒已十有四年又四年見輝祖都門奉行狀  
屬銘窆門之石蓋距贈公之卒四十七年矣輝祖不幸鞠於二  
母之手方乞言天下以章母節孝廉之請何敢以不文辭謹按  
狀公諱璟字鐵梅號吾堂溯宋元公爲世二十有六自司農寺  
丞嗣源扈蹕南渡始家杭州八傳至元處士肇允隱居海寧之

洛塘遂籍海寧代有賢達曾祖蕉圃公文煇以長子魏子公學  
舒後伯兄行于公文煇魏子公娶朱太君以節孝旌于朝生  
東岡公奕是爲公考康熙辛卯舉人馳贈文林郎娶朱太孺人  
生二子公其伯也生有奇慧年九歲乘舟出北新關關吏欺其  
穉弱誰何之公指解旁木榜曰詰我何如讀榜文吏咋舌而退  
甫成童文譽藉甚年十八補郡弟子員謁夏英三先生先生器  
其才妻以女孫卽太孺人也家故貧旣丁東岡公憂無以爲養  
游都門大京兆唐公執玉東岡公鄉薦師也深器重之會英三  
先生補通山宰挾公偕行道直隸制府李公維鈞亦姻表也會  
有劇務耳公名而訝其年少以檄草屬撰吏十數人賫楮墨環


侍公立書數十紙切中機要李公欲以厚餼留自助公謝曰吾  
許吾戚不可食言李公固止之公乘間急出去通山地瘠俗詐  
號稱難治通山公倚公如左右手公爲之調理秩如邑人爭頌  
大合明信通山君引疾罷官當事爭以禮羅致公念朱太君篤  
老不忍久羈於外歸授徒里中第少病喘偶作則公如病在已  
第亦雅敬公遇公疾輒曰天乎我可死兄不可病聞者嗟歎生  
平重然諾不輕可否人遇人有過失必正言規勸得當乃已乙  
卯領鄉薦後嘗主武義壺山講席立教有程式出門下者多植  
行能文後先獲雋嗚呼公固未嘗見效於世也然佐吏而吏以  
治教士而士以修使竟公之德與才充而用之其裨益豈易量



哉方公之卒也太孺人年四十孝廉及第成業俱稚太孺人不  
少姑息督孝廉學尤嚴句讀稍不屬卽舉杖欲撻孝廉泣太孺  
人亦泣曰靈根汝父病中尙諄諄教汝讀書汝不帥輒汝撻我  
懼汝父之病也加劇爲曲寬解今撻汝者誰耶而不讀書耶孝  
廉因感慟自勵靈根者孝廉小字也初公里居日脩脯甚約太  
孺人典鬻粧貲及紡績所入爲小叔退翁授室太孺人旣嫠居  
猶竭蹶爲孝廉擇明師而退翁亦教孝廉如子以迄於成公之  
修行有後太孺人實有以相之云太孺人世居嘉興桐鄉縣之  
烏鎮祖英三先生諱燦康熙庚辰進士歷官山東某縣河北通  
山縣知縣考諱景賢國子監生妣節孝顧太君公生於康熙三



一  
 二  
 三  
 四  
 五  
 六  
 七  
 八  
 九  
 十  
 十一  
 十二  
 十三  
 十四  
 十五  
 十六  
 十七  
 十八  
 十九  
 二十  
 二十一  
 二十二  
 二十三  
 二十四  
 二十五  
 二十六  
 二十七  
 二十八  
 二十九  
 三十  
 三十一  
 三十二  
 三十三  
 三十四  
 三十五  
 三十六  
 三十七  
 三十八  
 三十九  
 四十  
 四十一  
 四十二  
 四十三  
 四十四  
 四十五  
 四十六  
 四十七  
 四十八  
 四十九  
 五十  
 五十一  
 五十二  
 五十三  
 五十四  
 五十五  
 五十六  
 五十七  
 五十八  
 五十九  
 六十  
 六十一  
 六十二  
 六十三  
 六十四  
 六十五  
 六十六  
 六十七  
 六十八  
 六十九  
 七十  
 七十一  
 七十二  
 七十三  
 七十四  
 七十五  
 七十六  
 七十七  
 七十八  
 七十九  
 八十  
 八十一  
 八十二  
 八十三  
 八十四  
 八十五  
 八十六  
 八十七  
 八十八  
 八十九  
 九十  
 九十一  
 九十二  
 九十三  
 九十四  
 九十五  
 九十六  
 九十七  
 九十八  
 九十九  
 一百



先考吾堂府君行述

男廣業謹述

姻愚姪張起鳳拜填諱

嗚呼府君之逝也

不孝廣業

生才十歲

成業

六歲伶仃延息迄

今十有八年府君嘉言懿行不能具悉惟是大節顯著習稱於

族戚父執間者

不孝

等稍有知識卽謹識不敢忘用敢比拾連

掇粗具梗概以諗來者府君諱璟字鐵梅號吾堂宋儒元公二

十六世孫也隸籍杭州則自宋司農寺丞濬之公諱嗣源扈駕

南渡始入傳至元仲潢公諱肇允痛父職方公猷公諱宣死德

祐之難屢徵不出隱居海寧洛塘是爲海寧人七世祖明贈中

憲大夫亭山公諱甸爲王文成公高弟三中副榜棄舉子業著

書自娛生南鶴公諱啓祥隆慶戊辰進士歷官廣州知府有廉聲陞江西某道未任卒從祀名宦鄉賢無子以弟麗江通判南龍公諱合德子文學孟純公爲後孟純公諱明輔天啓間舉賢良方正生文學行于公諱文燾配顧太孺人無出本生高祖文學蕉圃公諱文燦以長子後之曰魏子公諱學舒是爲府君祖考娶朱太孺人以節孝旌表考曰東岡公諱奕康熙辛卯舉人揀選知縣妣朱太孺人舉丈夫子二府君伯子也次爲先叔父府君爲人篤孝友嚴取與之介秉直不阿性喜讀書遇事果斷不妄交人交必以誠幼奇慧書入口卽能成誦九歲爲文能自出意議與羣兒遊有不平輒義形於色嘗乘舟出北新關關吏

欺其童子也索錢不遂駕詞白稅司稅司怒詰府君徐指廳壁  
木榜對曰詰我何如讀榜文稅司驚起欲笞吏府君乃揖而退  
家塾舊有大小會課叔曾祖柯雲公主之大課春秋二仲集羣  
子姪及通家子五六十人糊名繳卷如棘闈式柯雲公閱至府  
君卷大詫曰奇才奇才吾黨顧有此既知爲府君大喜時大父  
東園公方以文行爲族黨推重柯雲公因賀大父曰若可謂有  
子矣府君奉大父訓甚肅大父客授於外嘗手錄先正格言及  
古今文尤雅正者寄府君曰此非徒取科名資也宜身體力行  
之大父歲時歸里門課有常度話言坐立一衷於禮府君帥行  
無怠年十八補郡學弟子員明年謁桐鄉夏公英三夏公會大

父姑子也見而才之曰我爲女孫擇壻久矣今乃得之遂以吾  
母歸府君康熙己亥大父旅歿都門訃聞府君匍匐星奔扶襯  
歸積哀勞遂病咯血當是時曾大母大母俱在堂叔父退翁先  
生諱鴻魁尙未娶兩姑母未嫁內外告匱府君乃走京師習官  
文書爲治生計都御史唐允功先生諱執玉甚器重之居數月  
會夏英三公補通山縣知縣招府君同往道出保定時戚屬李  
公維鈞方官直隸總督久聞府君名及見府君疑其年少會有  
要務命撰檄草小吏十數人賫楮墨環案側府君援筆立草數  
千言切中事機李公歎賞不置欲以厚脩留止幕中府君不可  
曰與尊長約而中道改圖貪利食言人謂我何因乘間脫走通

山地瘠民詐號稱難治英三公悉以幕事委府君府君鉅細詳  
至緩急具協凡三年通山人皆稱夏公神明英三公引疾去官  
府君歸會曾大母篤老授徒里門僅給甘旨母孺人以織維相  
佐曾大母大母怡然安之一門之內融融藹藹俱不自知其貧  
也府君與叔父相愛常如兒時叔父少病喘每發府君夜數起  
雖已疾弗顧叔父亦雅敬府君府君咯血叔父輒顛天曰我不  
能如兄有用我可死兄不可病聞者感歎同邑祝人齋先生淫  
與府君總角交各以儒業往復討論而必折衷於張楊園先生  
之論以爲歸宿府君待人樂易好獎進後學及有過則面折不  
少貸間以是取慍於時府君亦不悔損久之人亦無不服府君



剛正者祖姑丈陸北溟先生鶚豪士也好使酒罵坐見府君輒

默息不敢發聲府君既歿先生為廣業等道往事常淚下曰天

奪吾友自今誰復規吾過者平生交遊若河南王擎齋先生廷琮

高縣表叔崔漪園先生學淇蒙泉先生學泗姑丈朱蒿菴先生芹忠

祖近墅先生思尤為契密律已極嚴常言假道學假氣節皆病

在為人因自號吾堂署所居之廬曰省吾雍正乙卯以五經舉

鄉試先是曾大母已病亟常問人曰幾時好發榜吾當待之及

報捷人至喜曰吾事畢矣遂沐浴更衣而逝府君以天奪之速

也每言中舉事即泣然涕下明年武義張明府人崧延府君為壺

山院長武義故山僻問學久廢府君條設規約榜藝必中程式

經府君講貫後先獲雋者甚多戊午正月營葬曾大父曾大母  
大父於白獐村自井槨以至輒甓灰石之屬皆躬親經畫不避  
雨濕同役夫寢處事畢而疾作輾轉加劇迄於不起府君雖病  
未嘗一日廢書 不孝廣業 隨侍書舍每夜半睡醒府君猶危坐

撈管目光炯炯射紙上 不孝成業 方從叔父受句讀退則侍側

府君必教以童子禮府君之病也嘗叱 不孝廣業 曰吾承祖父

訓如爾時已能屬文端趨向今老大無所成就天也然顛沛困

憊歷數十年力自支撐無一事不可告人卽死可見祖父於地

下恨不能終事老母且爾兄弟不肖不能瞑耳 不孝 等爾時童

駮無知識不知深痛迄今追誦遺言真不能自容於身世矣痛

哉痛哉府君卒於乾隆四年八月二十四日生于康熙三十六

年八月二十七日春秋四十有三府君自為諸生輒試高等著

有四書文五卷經文二卷詩二卷尺牘二卷古文雜著一卷藏

於家配吾母夏太孺人祖英三公諱燦康熙庚辰進士歷任湖

廣通山知縣考方白公諱景賢太學生生子二 不孝廣業 縣學

生次 不孝成業 女二長壻郡學生張球次壻郡學生陸堯臣孫一

功粹 孫女一俱 不孝廣業 出自府君見背母孺人茹苦食貧命

廣業 稟業叔祖近墅先生 成業 稟業祝人齋先生冀有成立以

竟府君之志而支持門戶則叔父肩之凡十三年大母即世又

三年叔父不祿大故頻仍至不能謀母孺人一日之養府君有


知何以瞑矣伏乞

有道君子賜之銘誄俾後有所考

不孝廣業

等世世子孫感且

不朽





先妣夏太孺人行述

男廣業謹述

姚江愚姪盧文弨拜填諱

嗚呼痛哉 不孝廣業

等自府君見背二十餘年恃太孺人養教

得有今日而太孺人心力早瘁矣 不孝

等碌碌無所樹立妄冀

邀天奇福謂太孺人康寧壽考可以漸謀甘旨之奉昊天不弔

遽降閔凶欲求一日安養亦不可得不人不子罔極莫報惟念

太孺人貞撻懿行動可式法不及今粗纂梗概久且湮沒罪且

滋甚是用和淚濡墨畧有述也太孺人夏姓籍嘉興桐鄉之烏

鎮代有聞人曾祖贈文林郎某公諱之鏊為 廣業

高祖文學孟

純公子壻醇謹著稱祖英三公諱燦康熙庚辰進士歷官山東

某縣湖廣通山知縣並有治績祖妣沈太君考曰方白公諱景  
賢太學生妣顧太君以節孝旌太孺人爲方白公仲女生四  
歲而孤資性莊慧顧太君教以女經內則皆能意喻言動具有  
矩度英三公奇愛之嘗曰此不凡女非佳壻吾弗字也方英三  
公之令山左也贈文林公以年高不樂就養沈太君以下皆留  
侍於家夏氏家法素嚴飭每晨起進小食訖太孺人隨祖母母  
暨諸叔母姑姊妹入次第起居畢負牆侍命公必稱說古今孝  
子淑媛行誼或道已處約時事以女德相戒勉常覩縷至於亭  
午太孺人敬聽無倦容退而如公指以行因不窺書以故動與  
古合嗣府君往謁英三公重荷賞識因以太孺人歸焉是時爲

康熙丁酉太孺人年十八事曾祖妣朱太君祖妣朱太君皆能  
曲當意志先祖考東岡公方應禮部試聞之大喜貽府君書曰  
吾聞之家將興婦德順得新婦賢孝吾家其昌乎其以吾意喻  
之明年祖考旅歿府君扶服至都門迎櫬歸哀勞交積尋病略  
血太孺人既相理喪葬復調護府君病體亦癰發於乳家故貧  
至是益困俯仰百須府君館脩所入不足周給薪水醫藥之費  
俱無所出太孺人斥典簪珥衣襦佐之猶不足則日夜工針黹  
治紡緝易錢以濟負病力作不少休息蓋憂勞從此始矣既而  
府君客京師客湖南客崑山客杭州最後主武義壺山書院講  
席勞勞奔走出浮於入凡爲叔父完娶嫁兩姑母於朱氏徐氏



曾祖祖兩世殯葬及姻親饋問延師訓子一切皆太孺人襄府

君補苴歲事府君之卒也不孝廣業十歲成業六歲皆懵懂無

知熒熒壁立太孺人見不孝等時時泣下不孝等亦泣太孺人

則收淚撫不孝等曰好好讀書我便可以不愁督不孝廣業尤

嚴偶句讀不屬輒舉杖呼廣業小名曰靈根爾父病中尚諄諄

教爾讀書做人爾不帥欲予杖我懼汝父病劇委曲寬解之非

姑息汝也今欲再求父杖不可得其能免我杖乎廣業用是痛

心自勵每退塾就叔父退翁先生受周禮叔父憐廣業兄弟無

他師常憂見顏色會叔祖近墅先生授徒接濟僧寮命廣業稟

業焉叔祖教廣業動有禮法太孺人深用感激廣業歲時歸省

太孺人未嘗不流涕曰爾父力學賁志望汝甚厚汝必無忘叔

祖卯翼以慰先人因悉鬻衣貲助膏火而躬率姊氏助紡織以

給養饔飩不給泊如也 廣業 年二十二始入縣學為諸生而 不

孝成業 尙未有進境同邑祝人齋先生府君執友也方鍵戶纂

禮經招 成業 往為闡理學緒餘復命 廣業 分輯表記坊記儒行

若干卷太孺人以 不孝 漸知向學益加勗勉乾隆二十二年 不

孝成業 從祝先生入都旋館江西陳氏入冑監 不孝廣業 亦授

徒湖州吳門暨陽皆奔走於衣食不能日侍太孺人膝下太孺

人性極慈慎自府君多病客遊久諳旅况故 不孝 等在外歸稍

後期或音問阻滯太孺人輒憂不成寐 不孝 等由是改館近地

以紓太孺人門閭之望戊子省試 不孝廣業 受知於婺源張培

風先生幸中亞榜先生為言志目中眉之故惓惓慰諭 廣業為

太孺人縷述深自踈踏太孺人歎曰兒負知己命也然我且且

暮入地天其欲使爾與我相依以老乎 不孝廣業 悚然奉命自

辛卯春逮於今春太孺人屢遭危疾幸即就痊入夏康健如平

常命 不孝廣業 赴省應試試竣亟歸太孺人喜見顏色九日晨

起方頰面突呼腹痛頃之漸已次日復然漸發寒熱痛不止而

喘作又聞 不孝廣業 試事報罷若不豫者然逡巡以至不起鳴

呼痛哉太孺人治已甚嚴事府君如大賓服食器用非手檢不

敢進接先後以誠待姻黨無不有禮尤能容人過失有忤者置

不問雖甚愠無疾言遽容視從子大業建業如子御臧獲甚寬  
非大謬不輕呵責生平衣服有補綻至十數者子婦固請改易  
弗許曰舊者適體與吾習吾愛之也人以急告雖甚置必謀所  
以濟之鄰嫗逋欠累積遺命弗索也嗚呼以先妣之純德無類  
宜享遐齡非 不孝 等罪通於天天寧奪太孺人如其速嗚呼

痛哉太孺人例贈孺人配府君諱璟字鐵梅號吾堂雍正乙卯  
科舉人例授文林郎太孺人生於康熙三十九年五月十四日  
卒於乾隆三十五年九月十七日享年七十有一子二 長不孝

廣業

乾隆戊子科副榜候選直隸州州判娶嘉興盛氏增廣生

諱支犖公女次

不孝成業

國學生娶褚氏太學生諱仲璋公女

女子二長適增監生張球次適郡庠生陸堯臣孫四

勲懋勲常

不孝廣業

出勲崇勲旂

不孝

成業

出孫女二長適朱

不孝


等學淺

人微無以為母氏表章萬一伏冀

大人先生俯垂覽擇賜以傳銘

不孝廣業

等死且不朽



處士公純公家傳


族姪廣業撰

公名化麒公純其字也考文臣公生五子翁行三甫晬以痘故耳目偏廢及長讀書刻苦質不過中人所不得常加同舍生一等尤矜尚名節年十六應試郡城同寓者富家子酒食相徵逐嘗爲西湖長夜之游寓主利諸君資斧以翁在不得間乃密遣女入房煽惑翁翁初不知其爲詐也以理斥之女慙而退後塾師有戀鄰媼者翁切諫數四不聽病咯血死論者謂藍青之間而惜師之不納言焉居常木訥粥粥若無所能而處事每切中條理聞戚友有過舉反覆陳得失雖用是取怒不悔也甥張某者以遊戲傾家貲更與叔謀傾帑爲化居翁決其必敗力沮弗聽

因書城門失火殃及池魚楚國亡猿禍延林木于壁甥啣之然  
其家卒破蓋其誠懇切直言皆有驗類如此翁初授室時考命  
與伯仲析箸旣而考復舉二子家政付翁掌酬應煩劇退攻詩  
文甚猛遂發危疾不得已棄去舉業其治家也內外井井閨庭  
雍懌十數年囊無私財先後治親喪以厚幼弟早歿資給遺孀  
又弟倬音喪妻翁憐愛其二子長皆不才與其父謀燬祖若考  
棺翁執不可破已產以葬家故有美婢或以無子勸翁置之側  
室翁曰是重吾過也禮遣之年將艾鰥居誓不復娶待女適人  
卽以產宅付弟姪而已出爲童子師所獲修脯與婿姪共之故  
老而益貧著詩甚多有佳句旁通京管之學嘗自言歲行在某

當有咎因自述其生平屬廣綴為傳畧以誌後人翁生於康熙

戊辰時年蓋七十有四云乾隆辛巳孟夏月







先考文學翠庭府君行畧

男 徠松 謹述  
林桂

愚弟許鼎金拜填諱

嗚呼痛哉府君負卓犖之才博聞強識懷抱蘊蓄以期大展其志乃年甫強仕遽爾奄棄人世 不孝 等鈍拙無狀不克為顯揚

計而回思府君之所以教 不孝 者言固猶在耳也 徠松 生纔八

十日而吾母王太孺人即世吾母故名家女素嫻姆教克盡闡

範繭絲中饋措理裕如府君事無鉅細悉委任之謂已可專意

於學炊日之驚為神傷者久之未幾吾母金太孺人來歸賢能

勤儉治生之術尤精府君心稍慰俄又遭先大父之變府君哀

毀骨立治喪之暇兼禦外務不能力攻舉子業居恒每忽忽不

樂及 徠松林桂 長就外傳府君時則手一編或枕畔或窗下背

誦經籍寒暑無間為文尚氣骨繩墨啓禎以前諸大家試省闈

俯得俯失益自刻勵故訓 不孝 等尤嚴而期望更切 徠松 長於

林桂 五歲 林桂 甫羈卯即思屬文躍躍欲試府君心愛之未之

許也嘗誠 徠松 曰我自幼失恃大父撫養訓誨督責不稍貸我

亦潛心發憤得有寸進然偃蹇至今未能酬先人厚望爾第質

尚可造爾為兄者當共勉征邁以圖進取弗以力不足而半途

自畫弗負有才而沾沾自足忘食忘憂大聖人且然况汝輩乎

府君遇事慷慨仗義值歲禮則倡捐施賑鄉里無歸者議施棺

及殯葬之有不平者力爲排解至今人頌其德弗衰歲丙寅  
病牀蓐深以葬親訓子未了爲恨病有間卽與伯父懷邦琴川  
急謀卜兆於宅之東南原併建祠於其側喜曰吾猶及安葬吾  
親吾願足矣胡天不弔於丁卯冬病復作勢益危府君知病已  
不可挽卽命將田宅分析外另田十畝爲讀書得先遊庠者與  
之故友有逋負不能償者命焚其券遂力疾手書一紙付徠松  
等延至昏黃痰湧而逝時十一月十二日也距生於乾隆丁亥  
三月二十五日得年四十有一不孝等愴地呼天曷其有極苦  
塊之中惟有與弟其勗奮志芸窗以妥先靈於地下壬申徠松  
與弟林桂均倖獲一衿乃年華荏苒齒加長而身名未立昔歐

陽文忠公以隴岡之表匪敢緩而有待如徠松等自揣更何待

乎爰卜吉於丁亥冬仲奉府君柩附葬於故廟之東原與弟和

淚濡筆粗述一二如此府君諱景濂字勉行號霽軒又號翠庭

郡庠生母王太孺人生子一卽徠松也金太孺人生子一卽林

桂也生女二一適汪一適馬孫男子六徠松出者二林桂出者

四未學荒蕪語無詮次伏乞

當世立言者錫之銘誄以光泉壤世世子孫感且不朽

例授文林郎寧波府儒學教授存齋周君墓表

賜進士出身 誥授通奉大夫順天府府尹前

上書房行走

日講官起居注翰林侍讀學士南漚吳省欽撰文

海寧由縣升州州洛塘周氏出宋營道元公公五世孫太常卿  
嗣源扈高宗南渡七傳至職方郎宣殉德祐之難孤肇允家焉  
十餘傳至學舒郡庠生奕康熙辛卯舉人馳贈文林郎鴻魁邑  
庠生贈文林郎是爲君之曾祖祖父也曾祖母祖母皆朱氏  
君諱大業字致堂號存齋其生也不逮見祖考而曾祖母旌表  
節孝朱孺人猶在堂撫之曰爾祖讀書累行未獲報後當有興  
者其在是乎故小名興祖甫就傅所業倍他兒贈君痰且喘每

作此君退使母輟業君起居惟謹卽怒撻不敢離未冠師村塾以資養甲戌冬贈君挈君試郡城小極忽喘劇痰上湧而歿是日君屛試不及屬纊隱痛終其身自是君大小試贈君輒入夢夢怒必失夢喜必得嘉興李太守星曜爲其子擇師衆曰無如君者君已壯未籍諸生且居贈君喪韋素入見李未之奇也居數日歎曰此經師抑人師矣閱五年李起守同州建書院乃亟聘君主院十邑之士來學者百數十人同之文爲之一振李遷川東道去留君徐州課其子若婿李故宮保敏達公子所至皆曰能然負氣惟於君久而加敬嘗謂曰吾服官以來治行粗可紀君知之也稔而又工於文吾死必爲之狀故李終於湖北鹽

道而君狀之李築堂曰課耕思以志不在溫飽榜其楹而對苦  
不屬一日以屬君君曰盍增二字爲平生志不在溫飽而以方  
寸地留與子孫對之李大喜拜謝蓋不特屬對工切而其與人  
交不外乎直諒多聞者類如此己亥秋予於鎮海令今陝西按  
察司使周君房中獲君卷決其爲宿學明年春君來謁言其同  
祖弟廣業卷亦且雋以三場卷不到落是夏君成進士予語君  
就教職便養母母耽耽簿領舍所長而用所短然君之蒞寧波  
也學舍久廢據尊經閣以居乃申請所司借月俸以治堂寢士  
有負累不得白者輒直之枉者釐括之其教諸生與爲山長無  
異其爲山長與爲塾師無異屬續之日僚長至諸生會弔者數



百人而廣業子勳懋勳常皆師君君同懷弟建業亦在署侍養其母孺人廣業懼今後之無以爲養無以爲葬而詣余亟告歸且預請所以表君墓者嗚呼是俱足以風矣君以雍正五年十一月十四日生乾隆五十二年二月二十七日卒年六十有一配陸氏有婦行例授孺人子勳元州庠生女二一字州庠生唐露蘭一未字孫桂芬增壽

寧波教授周君誄

年愚弟蔣師爚拜撰

乾隆五十一年丁未二月二十七日寧波府儒學教授周君致  
堂卒於官計至京師其從父弟耕厓惘惘然若有所失者踰月  
乃撰狀請傳於太僕寺卿丹陽吉公墓表於順天府尹吾師南  
滙吳公而屬爚以誄君之篤於行優於文士類所共推旣卒而

浙中之知君者與君門下士會哭殯前必翕然有公議於君累  
歎長吁於其可慕效者不一而足也爚於君爲鄉會試同年知  
君稔爲之誄曰濂溪先生有宋儒宗裔扈南渡洎職方公殉德  
祐子遺孤童竄籍洛塘二百年中亭山南鶴道隆而隆儒聲  
政聲相繼而豐詩書之澤孝友之風東岡孝廉有子退翁君紹

其美箕學為弓帖括之技不習而工嘗侍父癯拭穢必躬叱使  
 往學杖擊頭蓬出瞰門隙所需必供伺痛於瞬如刃剗曾君達  
 也晚壯試輒窮終天之恨甲戌之冬君也就試而父就終嗣凡  
 應試父夢以容試之將利其樂融融不利之試怒扣以筇神通  
 誠假腸結心春學以是績文以是雄以衿於庠式於儒縫以薦  
 於鄉捷於南宮以師於郡以佐於戎其未與郡掌教於同嘗為同州  
豐登書院長州有十邑士來離離繼晷之膏有額既充捐昇其餘夜  
 誦燈紅講則必貫告罔弗忠踵至之笈飛鸚就鼓其未於戎掌  
鹽筴終嘗在湖北條縷裁答曾無覲髮楚中之幕利孔如蓮洩  
鹽道幕事於椽如斧之鑿表表自飭不一言通谿壑之欲無能為惜其

爲郡師在甬之東其爲戎佐統閩浙江其處衆人衛先以廓其  
在衆中涓貫於潼言無先入謀作以聰化而裁之金之在鎔性  
不皆省困以贈空如雲從者鳧之在深賢者浴德愚者發矇聞  
者耳順見者心降壽六十外例七品封九疇舍富何福不鍾賢  
仲耕厓憂心忡忡謂君有母九十籠鐘白華初笙乃遭此凶謂  
君幼學與同簾櫳壯遊東西歸必歲逢上下其議韓孟雲龍別  
今四載不獲扶輦爚感是語心爲之忪愈益欽君百行金墉賢  
仲所悔燕吳異蹤所不待言兄友弟恭棄縣就教薄俗曰蒙迎  
母祿養幸得匆匆天奪君去於君何叩千春萬秋瞽宗所崇表  
君素旗作世晨鐘



存齋先兄行畧

功服弟廣業拜述

先兄周氏諱大業字致堂號存齋杭州府海寧州人上溯宋儒  
元公凡二十七世自太僕卿濬之公諱嗣源始從洛南扈蹕居  
錢塘七傳職方郎公猷公諱宣舉家殉德祐之難遺孤仲潢公  
諱肇允遁隱海寧之洛塘家焉七世祖明贈中憲大夫亭山公  
諱甸爲王文成公高第三中副榜入太學著書行世生南鶴公  
諱啟祥隆慶戊辰進士歷官廣州知府有廉聲陞江西某道未  
任卒崇祀名宦鄉賢無子以弟麗江通判南龍公諱合德子文  
學孟純公爲嗣孟純公諱明輔天啓間舉賢良方正生文學行  
于公諱文燭配顧太孺人是爲兄高祖考妣曾祖魏子公諱學

舒係本生高祖文學蕉圃公諱文燄之長子入繼爲後曾祖妣  
朱太孺人旌表節孝祖考東岡公諱奕康熙辛卯舉人揀選  
知縣以兄官覃恩馳贈文林郎祖妣朱贈太孺人有子二先  
考孝廉吾堂公居長先叔父退翁公諱鴻魁邑庠生以兄官  
勅贈文林郎叔母朱贈太孺人亦有子二長卽兄也次名建業  
兄之生不逮事祖考而曾太母朱太君猶在堂撫之曰爾祖積  
德累行未獲報後當有興者其在是子乎因小名曰興祖三歲  
患痘瘡甚危叔母禱於神而愈六歲從叔祖可邨先生受句讀  
上口成誦不事督責所讀常倍他兒稍長與廣業同師朱香臣  
先生兄之舅也塾課嚴整有法尤善辨晰訓詁兄輒心解一日

先孝廉偶舉某家兒作破承題頗可觀師因詰兄曰若較長顧  
反不能耶卽拈有朋自遠方來句命破之兄沈思良久應曰學  
貴得朋不遠千里而來矣師喜賀叔母曰他日必以文名時年  
十歲實未知所謂制義蓋有夙悟其後友教四方亦適如所占  
云兄初試爲文已自有條理爲先孝廉所稱賞己未八月先孝  
廉見背明年兄侍先叔父贈公讀書梅里沈氏庭訓嚴切兄亦  
奮勵徹寒暑晝夜不怠作文苦索必求得當乃已贈公早得痰  
喘疾每發委頓壬戌之歲泄痢尤劇兄起居惟謹贈公恐其妨  
常課也叱使退則密伺其旁有所需急趨前時或怒撻卒不敢  
離其孝思之純摯有如此弱冠學成出爲童子師博脩脯以贍



養時

廣業

從叔祖近墅先生於接濟僧寮同學數十人兄間來  
角藝曹輩憚之屢試郡縣皆列前茅顧遇院試鄉試輒不利補  
弟子員日贈公已不及見兄每念之以爲恨蓋贈公少孤力學  
負異材常思奮志青雲以慰先大母心旣數不偶丁卯後又病  
不能應舉故所以望兄者甚切甲戌十月挈兄等應試武林寓  
候潮門外馬神廟俄感時嗽舊症旋作一時痰湧而歿是日兄  
及弟建業正扃試院不及屬纊案發竟無名兄抱恨終天號慟  
欲絕自是遇大小試贈公必見夢予杖必失喜笑必得嗚呼義  
方之教何間幽明抑兄之至性感通亦可見矣丙子春嘉興郡  
守李南六先生諱星曜訪碩師教子及壻難其人香臣先生在

幕謂惟某可時兄方居贈公憂以布衣入見李公初未之奇也  
觀數日驚歎曰先生不惟學贍文高乃其立心制行皆有當於  
古人中求之兒輩得所歸矣用是折節下交深加尊禮丁丑李  
公引疾歸是冬兄受知學使今宗人府丞諸城竇公入邑庠館  
近地辛巳春李公起知陝西同州創建豐登書院旣成謀院長  
李公曰必周先生專書幣聘兄掌之院未有掌故兄爲立規條  
定程課十邑之士來肄業者幾百人李公諸子壻亦來遊兄講  
貫評閱一如家塾法寒峻未及補額者以已膏火資之先後四  
年獲雋甚多文風爲之丕振觀察屠公極欽服之乙酉將歸諸  
生餽遺悉謝却乃各製詩歌聯額書之精縑誌仰慕焉戊子春

李公復起爲川東道留眷徐州里第延兄課其幼子及孫先後  
十數年李氏諸子俱有成壻則今阜陽令張護也丙申春李公  
除湖北鹽道仍邀至署筆札之事悉委焉踰年李公捐館兄始  
歸李公故北直制府敏達公子負幹濟才所至有能名然性豪  
邁罕所推服久而禮敬不衰者惟香臣先生及兄二人嘗謂兄  
曰吾服官以來粗有治績可記惟先生知之詳而又能文幸爲  
吾筆之否則一旦奄棄誰相知逆遺事者至是行狀果出兄手  
後梁大中丞爲誌墓十九皆原文人謂知己之報云李公之罷  
歸同州也築堂名課耕出一聯云志不在溫飽而無其對遍索  
人占之皆不愜後以問兄兄曰何不云平生志不在溫飽而以

方寸地留與子孫對之李公大喜拜曰謹受教卽手書懸之蓋  
不特屬對工切而情深辭婉生平與人交契其直諒多聞大率  
類此戊戌館江都楊明府署己亥館杭州朱氏是秋 恩科少  
宰今大學士韓城王公學士今京尹南滙吳公實典浙試得舉  
於鄉蓋自己卯闈卷梁公慎齋諱徽力薦不售庚寅與公勉菴  
諱德薦又不售至是出鎮海縣知縣今陝西按察使周公之房  
十一試年五十餘矣庚子會試出前內閣侍讀學士今太僕卿  
丹陽吉公門成進士例選知縣以母老改就教時蘄陽陳大中  
丞節制浙閩聞兄名延教其子壬寅秋選寧波教授之任後制  
府仍留入署未幾陳公以事去兄乃赴寧郡學廳事久廢舊據

尊經閣爲私齋兄以爲不可卽詳請借俸營建堂廡門牖煥然一新甲辰春迎養叔母於官舍初校官積習除下車課文一次及承辦歲科試冊籍外別無事事上官視爲冗職士亦不甚親禮之兄至日汲引諸生獎進督誨之一如書院法於是爭額手告曰是真吾師矣及門受業常數十人遇公事竭誠盡愼而濟以詩文贄者必爲評定酬和無虛日郡守陳紫岱先生諱鍾嶸深加契重學使竇公臨郡亦極嘉獎然兄之精力自此日衰耗矣兄篤於孝友自以衣食奔走不能長侍膝下凡可以娛親者必力致之所得脯資分毫不入私室晚始得祿養母手進豐腆有微疾朝夕奉藥餌憂形於色與弟建業合巽終身無間言

廣

業

之試南宮也兒子勲懋勳常無師兄卽挈至寧延同年孫蓉

湖先生教之勲懋幸於丙春博一衿兄之賜也

廣業

留京師三

載餘來書數千言誨諭勤拳無所不到春試屆期乃舉示先祖  
家傳中事云居都下日朔望祇一謁唐太老師言不及私意蓋  
恐忘之也

廣業

雖不肖敢忘祖德然非兄摯愛安得重聞此言

乎兩妹先後孀居時存恤之好讀書覃研經籍旁通百氏時藝  
初尙雄深博大後喜雋永然不規一體從遊者隨材造就示以  
程擬存者可千首詩宗唐宋以神韻爲主古文駢體書啓皆工  
雅有法雜稿甚多不自收拾惟遊秦有春暉寸草集已抄成卷  
餘尙待甄錄焉家故貧賴館脩以給食指漸繁常苦支訕又性

慷慨好義輕財族姻交遊有求者雖典鬻以應弗吝也登第後  
事劇費多出浮於入遂債負纍纍俸薄不能償而公私酬應日  
積叔母春秋高窘狀不敢以聞而憂勞乃反遠過爲諸生時年  
來或病咯血或患咳嗽寒熱交作以至不起先是壬午歸自同  
州以過勞得痰症甚則不省人事醫治獲痊去秋復間發病中  
有答 廣業 寄祝六十壽言句云殘喘強延餘一線全家活計只  
孤身 廣業 讀之惻然知其不祥然念兄績學砥行天必鑒憐之  
使終養老母亟馳書慰問且約今秋必歸聚首幸努力自愛豈  
知入春轉劇百藥罔效適學使歲試寧郡雖蒙許假猶日強起  
經理諸務二月二十七日竟以痰湧而絕嗚呼痛哉 廣業 同祖

兄弟四人兄行一同居合戶無異同胞

廣業

小於兄三歲幼同

塾同師自乙卯至戊午出入必偕於諸弟中尤見親愛自負笈及遠館於外不能朝夕相對如童年然歲時歸里團坐一室或拈題構藝或鬪韻作詩凡詞賦記序之類皆私相倣效彼此質正有善相勸有過相規至深漏始罷以爲常及遠遊秦楚而家務率委廣業經理兄亦間歲必歸省覲稍暇團聚如初屈指生平契濶從未有自癸卯迄今之久者豈謂竟成永訣不復得相見耶嗚呼痛哉兄於雍正五年丁未十一月十四日生乾隆五十二年丁未二月二十七日卒於寧波官舍嫂陸氏五世祖姑丈贈承德郎庠生諱慶臣公來孫女處士諱爾達公女例授孺



人子一 勲元 邑庠生娶莊氏庠生諱誠公女女二長許字國學

唐諱觀公子庠生叔封幼未字孫二 桂芬增壽 聞兄卒後僚長

暨諸生會弔者數百人且謀經紀其喪旅櫬當不至淹滯獨念

叔母年已八十有六孤幼煢煢 廣業 遠羈燕薊不能親視兄殮

又未能遄歸奉母旋里椎膺飲泣五內如屠惟是兄一生懿行

俱有可傳粗記崖厚伏願當代立言君子俯賜採擇錫之傳銘

以光泉壤不勝感激禱切之至

又

望

八

周耕厓先生家傳

姻弟吳騫撰

吾友周先生耕厓之喪予走哭諸寢門旣卒哭其孤勳懋勳常  
排比行事衰絰而踵予門泣以家傳爲請予辱君之知而勳常  
又吾兄女之夫也悉君爲較詳其敢以不文辭君諱廣業字厓  
圃別字耕厓姓周氏宋儒元公之後南渡初太常公嗣源從濟  
南扈蹕居錢塘七傳至職方郎中宣閣門殉德祐之難遺孤肇  
允遁跡海寧之洛塘遂家焉七世祖甸爲王成公高第著書傳  
世六世祖啓祥隆慶戊辰進士任廣州知府崇祀鄉賢名宦五  
世祖明輔天啓中以文學舉賢良方正祖諱奕考諱璟並舉孝  
廉不仕君生而穎異試啼有英聲父名之曰靈根初入小學卽

能通訓詁辨音切讀書數行並下長老咸以合器目之性情端  
重不事童遊蚤歲慈父見背哀毀如成人母夏孺人甫四旬第  
成業才六歲君力持門戶上奉孀母下撫幼弟雖從學於外而  
甘旨衣食無稍乏闕年十六卽家授徒以供饑鬻蓋迫於不得  
已也從游者頗衆於是益刻苦自勵祁寒酷暑無間昕夕古稱  
燃糠鑿壁之勤殆無以喻之年二十二受知於翠庭雷公補博  
士弟子又與同邑祝人齋朱蒿菴兩先生講學纂禮雅見推重  
爲人謹厚方正恥事竿牘以故屢困於場屋乾隆戊子闈卷已  
列魁旋以疑抑置副榜厥後僥得僥失迨癸卯始登賢能之書  
時君年已五十有四矣偕計吏北上又每誦於禮部然長安貴

人皆耳君名爭欲致之門下而君終不肯紉首降志與時俗爲  
進退旅食京華數載無所遇合余間寄以詩卽幡然戒裝作歸  
計青衫席帽蹇策渡蘆溝自是杜門却軌壹志著述不復再謁  
春明矣於書無所不闕凡十四經二十四史以及九流百氏靡  
不遡流討源索隱鈎陳晚尤注意於孟子嘗謂搜討經史涉獵  
子流所稱引孟子往往爲內篇所無是逸文也其與內篇錯出  
者是異本也注家盛於宋後獨趙爲古而各書所載注文實不  
止趙則又知有鄭劉綦母之注亦考而存之凡此皆無所疑者  
也以疑義言之則如爵祿封建井田學校之制與周官戴記同  
異甚多見於注疏可考趙氏謂漢文時孟子嘗置博士迄五經

通義得引以明事何當日虎觀談經寧雜用緯書而終不一及  
孟子也又如外丙仲壬可補尙書序之闕而竹書世本史記並  
詳其系皇極經世稽古錄前編並削其年悅孔子者七十子狂  
如牧皮足證史記家語之疎而石室圖古史以及嘉靖祀典闕  
里志未聞與列舜生於諸馮遷於負夏卒於鳴條陸嘉村翼孟  
辨蒼梧黃陵之附會周平園深韙其說路史發揮舜冢辨亦謂  
諸馮負夏鳴條皆在河南河北而馮山公少作更有與閻百詩  
論舜生卒書汝漢淮泗之異道錐指得其詳葵邱板築之讐言  
正楊舉其失而趙希鵠之辨追蠡郭次象之詮少艾何孟春之  
釋巨擘俞廷椿之解環攻無論也然此類經先儒論定縱有未

盡初無甚害可概闕如惟紀年卜宅游宦數者關亞聖之行藏  
作全書之眉目一誤則無所不誤雖欲蓄疑不可得也於是覃  
思竭慮作出處時地考合前爲孟子四考書成極爲大興朱石  
君中丞南漚吳白華侍郎所擊節爲序而行之一時紙貴嗟乎  
昔太史公言孟子倦遊於齊梁退與萬章之徒序詩書作孟子  
七篇以述仲尼之意君於此豈亦有概於中與中丞時方撫皖  
辟爲桐汭復初書院山長桐汭僻在山陬自鄒文莊講學以來  
人文科第殊寥落不及他郡君所至執經問業戶外之車恒滿  
主講席自壬子至丙辰甫五載人材蔚興科名特盛而李君賓  
尤爲君所賞識者竟以第一人領解爲數百年來所僅有州人

莫不頌君陶淑之神而服其藻鑑之精至今有尸祝之者州志  
曠五十餘年不修慨然以之自任網羅蒐討不遺餘力踰年告  
成詳審精覈視近時州郡志罕有出其右者平日敦本樂善孝  
友睦姻重然諾輕財賄喪葬盡禮祭祀必誠祖墓被盜伐蔭挺  
身理於官反爲鄰墓誣其侵占許訟累年卒得履勘勒石而盜  
伏其辜族祖孝廉宗彝與弟啓琦明末闔門殉節乾隆丙申奉  
旨編入勝朝殉節諸臣錄君約同人告諸當事與祝公淵俞  
公元良元禮等並祀於忠義祠族祖文煜順治中以進士任黔  
陽令全家死陳友龍之難例得旌卹而事屢多梗君竭力訪  
求當嗣者代爲請龔少日讀書接濟僧寮從祖思憐其孤苦有

志深獎卹之後思卒貧不克葬君邀諸同學各捐貲力營窆竈  
又外族之喪在淺土者率不惜麥舟之助而贊其成其不忘本  
而勇於爲義皆此類也持已恭儉治家嚴而有禮門以內肅若  
朝典義方以訓其子皆爲端儒生平纂述凡二十餘種其已刊  
行世者孟子四考四卷文昌通紀八卷關帝徵信編三十卷重  
修廣德州志五十卷未刻者讀相臺五經隨筆讀易纂畧經史  
避名彙考季漢官爵考石經紀畧鄉會副榜考寧志餘聞補校  
注馬總意林動植小志循陔纂聞三餘摭錄時還讀我書錄目  
治偶鈔兩浙地理志冬集紀程過夏雜錄四部寓眼錄蓬廬文  
鈔詩鈔制義通若干卷藏於家君於意林寢饋不離南北舟車






先考耕厓府君行畧

男

勲懋 謹述

愚表弟蘇琳拜填諱



嗚呼痛哉天何奪我府君之速也府君生十歲而王父吾堂公卒孤貧力學賴王母夏太孺人撫之教之克自振奮然壯年多艱於遇晚始博一第而貧故無改也府君則憂形寤寐無時不以王父母窀穸事為念搆地多年前前冬始得吉壤於王家漾之原遂擇日鳩工晝夜督率精神若倍於常 不孝 等惴惴焉懼府君之力憊也又竊念府君以不匱之思經營大事天或鑒憐之迨事定見府君食息如常起居無改 不孝 等又私幸高年之無恙詎料精氣暗虧心神告竭歲前四日 不孝 勲懋 夜自禾歸府

君猶正襟危坐至夜深方就寢寢則寒熱驟侵越日神氣恍惚而泄喘作矣急投重劑而卒無效延至除夕漏方三下竟棄

不

孝等而長逝矣嗚呼痛哉

不孝

等懵懂無知閒遊惰廢曾未獲

謀一日之養使府君向老風塵無恒安處不人不子五內崩屠此身萬死不足塞責尚忍覩顏視息人間耶惟念府君一生孝友讀書卓然可紀

不孝

等所及見聞不粗纂書各以致泯沒則罪更

莫贖用敢偷息而畧有所述也府君諱廣業字厘補號耕厓宋儒元公二十七世孫自太常公諱嗣源從濟南扈蹕居錢塘七傳職方公諱宣舉家殉德祐之難遺孤仲潢公諱肇允遁隱海寧之洛塘家焉七世祖明贈中憲大夫亭山公諱甸爲王文成

公高第三中副榜入太學著書行世生南鶴公諱啟祥隆慶戊辰進士官廣州知府有廉聲陞江西某道未任卒崇祀名宦鄉賢無子以弟麗江府通判南龍公諱令德子文學孟純公爲嗣諱明輔天啟間舉賢良方正生文學行于公諱文煥配顧太孺人無嗣以弟文學蕉圃公諱文燄之長子魏子公諱學舒爲後是爲府君曾祖考妣曾大父東岡公諱奕康熙辛卯舉人揀選知縣以世父存齋公官贈文林郎曾大母朱贈太孺人大父吾堂公諱璟雍正乙卯舉人以慎齋叔父官贈登仕佐郎大母夏太孺人桐邑康熙庚辰進士通山縣知縣諱燦公孫女太學生諱景賢公女贈太孺人舉丈夫子二長卽我府君也府君生而

穎異試啼有英聲大父因名之曰靈根始就塾與世父存齋公同師舅祖朱香臣先生受句讀上口成誦目數行以下辨晰訓詁府君輒能心解塾有始習爲文者一日以所作置案頭府君旁坐睨視疑其虛字不屬密語世父後果見斥于師時初未解爲文也已未從大父讀周禮可數十行大父猶苛責不已是秋大父見背大母年甫四旬叔父才六歲府君號慟如成人惟時孤寡伶仃儲無擔石會再從曾祖授徒接濟僧寮叔祖退翁公命從之府君念身處顛沛益發憤自勵凡所指授不論人已咸心融神會年十二學爲文近墅先生命以學也祿在其中矣題府君援筆立就心思筆力如有夙授近墅先生奇之歸賀大母

大母喜然絕不事姑息間一歸省太孺人輒流涕述大父病中  
語勗以讀書做人因鬻衣資爲助膏火饗飡不給泊如也年十  
六家居授徒出其餘功研究經史旁涉百氏見聞日富學識益  
精嘗會課于花溪屢冠曹輩年二十二受知於學使翠庭雷公  
補邑諸生是歲吾母孺人歸勤儉贊襄甚得大母歡府君假館  
俸爲洗腆資吾母亦相安治紡績以佐甘旨因是府君得專意  
于學同里祝人齋朱嵩菴兩先生大父執友也府君父事之每  
過謁惟以品行道義相勗丙子秋張公起鳳令如臯聘課其子  
大器府君以大母年高不忍遠離一年辭歸壬午館泮溪主人  
王瑤岑先生見府君師範尊嚴敬禮無怠星羅星聯二君自束

髮授書迄于遊庠食餼不名他師王子南北並捷人益神之是  
科及乙酉闈藝俱被薦戊子文已擬魁房師張公以五策條對  
詳贍加評語力薦主司博公見疑抑置副車迨謁師師告以故  
頗深引咎然府君亦怡然處之瑤岑先生喜蓄書插架甚富不  
孝勲懋隨侍左右竊睹府君於館課之暇尋源探本口誦手鈔

寒暑晝夜不稍輟屬文則下筆滔滔無稍凝滯校讐經史疊疊  
如數家珍必得其真髓年三十後壹意著述寢饋不離性至孝  
家貧麤糲常不給然大母珍羞必備一切必期得大母歡已丑  
大母因跌致中呻吟枕席府君與母孺人維護起居量劑湯藥  
兩年無懈寅秋卒不起府君哀毀骨立後凡遇忌日亦竟夕不

樂葬則參用朱子灰隔寶葬之法與工匠同寢處事必躬親時  
叔父尹泰興未獲與事府君於事竣卽貽書累幅以慰叔父心  
此卽府君之絕筆也嗚呼痛哉府君與叔父少孤相倚怡怡無  
間友愛之性至老逾篤己亥闈藝已付梓因三場不到得而復  
失迨癸卯領鄉薦府君年已五十有四再試禮部不售先後畱  
京四年名公卿見者無不傾倒而府君終不苟爲作合所謁見  
者大興朱文正公石君及上洋陸耳山丹陽吉渭厓南滙吳白  
華太夫子數人以著述相訂正而已丁未存齋公病故明州官  
舍府君念叔祖母風燭之年不孝勲常無師失學毅然欲南歸  
比部查公厚餼畱之不可府君與世父爲同祖兄弟而友愛如



同胞世父倚重府君如左右手客居則家事悉委之居恒勉厲勤拳無所不至府君敬若嚴師方世父客陝時以伯兄勲元屬府君挈之塾中丁酉伯兄獲雋及府君入都不孝等無所歸世

父曰是我責也命不孝等赴四明學署特延孫蓉湖先生課之

丙午不孝勲懋獲雋府君聞之曰兄之賜也次年為不孝勲懋

授室又明年館武林祝氏不孝勲常隨焉書室隣梁山舟侍講

家侍講落落罕交接見府君至則數過劇談恨相見晚已酉家居著書春叔祖母患中卧床府君問視維謹次年春叔祖母歿府君經理喪事後應山陰莫公之聘鮮當意時朱文正公方撫安徽徵府君為廣德書院山長府君以將有瀧阡之舉冀稍潤

修資以營馬鬣不得已涉江赴皖辛亥至廣德州州牧胡公文  
銓以修志事相屬府君嘗論州之橫山卽春秋襄三年之衡山  
久爲吳興所攘宜爲汝陽之歸論據確鑿不可易胡公益嘆服  
遂訂府君爲總纂甫定聘秋遭母孺人之喪事畢適徃以舊志  
多疎謬爲加意蒐輯務歸傳信凡涉忠孝節義事尤兢兢致慎  
志成之日邑紳士咸樂就親炙遂畱府君掌教復初書院桐故  
僻壤院亦草創罕章程數十年科名寥落府君爲立規定課士  
皆爭自濯磨院中肄業趙沈二君先後中副車而乙卯李君賓  
發解第一文風蒸蒸日上人或以推府君而府君則皇然謝曰  
此氣運耳我何與焉院中不問設科內外以詩文來贄必細心

評閱一如家塾暇則一卷怡然不復問門外事所著避名考屬草纍纍每至夜分猶手卷不釋此書搜羅極博卷帙亦多數十年之力萃于茲而府君之心神亦日耗矣府君遇公事不稍退諉滋德堂向係公所乙巳歲被族有議毀者賴母孺人全之日久將傾府君以神明宗祖憑依之地典賃併歸重葺之榜一聯曰爲前人畱一綫詩書世澤俾後嗣存幾分孝友家風使登斯堂者知堂之所繫如斯也臯亭墓蔭被鄰界盜砍經訟幾不得直府君展轉奔訴官爲履勘立界而寘盜以法族祖五重公弟偉光公明末闔門殉節編入勝朝殉節諸臣錄府君約同里祝簡田俞潛山兩先生呈請當事得入忠義祠又族祖穆仲公文

煜順治六年以進士令黔陽舉家死陳友龍之難乾隆五十七年奉 上諭凡忠臣後裔均得世襲罔替黔陽公後例得恩騎尉而無嫡嗣有入繼嗣孫茲桂雖列成均而安農業府君招之來委曲勸諭久之始悟又以籍誤寧海展轉延擱年餘始得達部茲桂時或資斧不繼則傾已囊助之且爲多方寬解之無疾言厲色蓋府君之踴躍赴義忠厚待人率如此吾邑向有節孝祠高祖母朱太孺人入祠已久會族母錢孺人入主時祠方新葺諸事更動府君覺榭主新舊有異攜祠編核之內闕無後節母唐宋二氏主嚴詰守祠卒得復故位蓋是時榭主已滿新進者賄守祠人易之欺其無後也錢孺人苦節四十年府君爲之

請旌立後並助其葬先叔祖退翁公世父存齋公柩停蕭寺  
兄客院上擬先厝之府君卽以王父母之殯堂奉叔祖母柩合  
攢焉青鎮夏英三外太祖久未葬家中落表伯年老無嗣府君  
入都繞道過之檢行篋資以贈屬令速葬而後謀之於叔父以  
辨行裝秀水盛軼倫外祖父母久厝祖塋外兄無力營葬吾母  
在日嘗與府君言之以王父母牛眠未卜烏咽不敢出聲府君  
悼亡詩所謂兩姓三喪俱淺土相看珠淚各偷彈也前冬外兄  
來府君厚賻之得舉姑母張太夫人年衰善病府君逾月必入  
城徃省有珍鮮則先持以奉人謂謝過門風不是過也從弟勲  
伊孤貧力學府君教之誨之屬望如子其他族子弟之可造者

咸樂誘掖之有成與人交以信而惡干時捷足之風客燕日間  
一謁師訪友足跡不入公門然或遇人急難力可援者又未嘗  
不因事權變有鄉友王姓者僑寓京都以小事牽連逮刑部獄  
府君知其誣時主人王疎雨先生爲刑曹府君命車親往部曹  
訝府君之素不至也一見瞿然乃白王之寃部曹鞫之得其實  
而坐其罪於誣駕者素精岐黃有求者應之活人甚多不計謝  
自奉儉約一敝裘經數十寒暑不孝等請易之府君正色曰汝  
等福薄當自惜之古人惡文之著何若闇淡者之適吾體也菲  
飲食而賓祭從豐家向無公田府君以受分公田地歲租所入  
權子母置產爲祭埽用族黨貧乏者刻已周恤之處事一秉於

公間有以德爲怨致來橫逆者以談笑麾之絕不與校御下以  
寬而端嚴氣象婦豎輩亦知畏敬居恒庭訓甚嚴不孝等群居  
聚處或語涉諧謔及行坐不衷於正必命跪受訓誡每及先世  
遺行諄諄然言尤剴切嘗謂人之樹德猶木之有本必厚培其  
本而後枝葉繁茂我家數世積德累行雖不獲顯然自我祖以  
下俱得生登名藉歿受榮封其食報皆由孝友所致君子務本  
孝弟爲先人所謂德無過於此又曰凡人莊敬日強安肆日偷  
驕矜惰慢之習其端兆于幾微其患釀於因循曲恕君子之持  
身一敬字盡之余自幼失怙閱盡艱辛諸事豎起脊梁乃自磨  
練卒不得志命也惟自問生平不過恪守祖訓行吾素位無分

外求此可見祖宗耳汝等年富力强居安處順悠悠忽忽吾無

望矣不孝等屏息聽命毛骨悚然退而謹誌之不忘又不孝等

所最痛心者府君自丁未北歸後迄今十年之間凡于杭于越

于皖江于桐汭客處日多雖不孝勲常杖履時隨而羈旅之爲

樂幾何加以駑下之質懼少憂多丙辰始博一衿慈顏爲之稍

霽不孝等方冀稍展分寸共圖菽水之歡行且捧卮以壽古稀

何天遽奪我府君之速也嗚呼痛哉府君負卓犖之才多聞強

識著作可汗牛馬其已刊者孟子四考四卷關帝事蹟徵信編

三十卷文昌通紀九卷廣德州志五十卷其未刊者經史避名


彙考四十六卷讀相臺五經隨續筆六卷讀易纂略石經記畧



季漢官爵考鄉會副榜考寧志餘聞補校注馬總意林動植小  
 志循陔纂聞三餘摭錄時還讀我書錄目治偶鈔兩浙地志錄  
 冬集紀程過夏雜錄四部寓眼錄客皖紀行蓬廬文集蓬廬詩  
 鈔制藝各若干卷外此鱗金片羽未脫藁者難以殫述府君生  
 於雍正庚戌年十一月十二日辰時卒於嘉慶戊午正月初一  
 日子時享年六十有九乾隆戊子科副貢生癸卯科舉人例授  
 文林郎配吾母盛太孺人外祖父郡庠生諱支犖公女次室徐  
 氏子二長 不孝勲懋 州庠生娶錢氏太學生諱學會公女次 不  
 孝勲常 州庠生娶吳氏例贈文林郎貢生諱霖公女繼娶沈氏  
 太學生諱心學公女女一適太學生朱雁汀孫男三 秉銓秉善

俱不孝勲懋出在恩不孝勲常出苦出餘生語無倫次伏冀

當代立言君子垂憐採擇錫之銘誄則不孝等感且不朽





正興元年十一月十五日庚申卒於長慶元年正月朔  
 子華年六十有九歲葬於子嗣嗣與他矣取葬於人  
 及葬即配善母益太孺人并祖父祔序生...  
 子...  
 當外立言...  
 身...

先妣盛太孺人行畧

男

勲懋  
勲常謹述

嗚呼痛哉吾母之歿於今二十五年矣

不孝

等奄息偷生身名

不立而吾母之碩德懿行歷久彌彰固未嘗一日去諸懷也母

之歿也先府君七年時府君方繕治宅舍乘間作詩以寓悲悼

不孝

等嘗跪請作傳府君以祖父母窀穸未舉不之許也乃

慨然曰吾非不知爾母之可傳也特事有次第耳他日幸藏大

事將自治繭室述年譜爾母亦將有待於是嗚呼孰謂府君竟

以營祖父母之葬過勞致疾而遂至不起哉又越十八年

勲懋

私於譜有所纂輯謹將同里吳兔牀家松靄兩先生所撰府君

家傳編入而吾母之傳闕焉痛念吾母一生闡德卓卓多端而

以勲懋等所見聞者脫不及此紀述一二以諗後人則為罪滋

大爰是濡筆和淚述之曰母姓盛氏世居嘉興秀水之香園浜

後徙居東門外六世祖諱萬年萬歷癸未進士歷任江西臬司

貴州布政司考諱支榮字軼倫躬負至德而性穎異弱冠補第

子員為增廣生娶外祖母馬太孺人生舅氏浣六次即吾母也


母生未幾外祖父卒外祖母以過哀得心疾時母猶在襁褓癸

癸相對備嘗荼苦既長能曲承馬太孺人意旨故常得其懽心

勲懋幼隨吾母省視每見外祖母方盛怒時見母攜外孫至慈

顏為之霽以是知吾母之孝有以致之也太孺人家故素封又

幼善病不諳擦作年二十一歸我府君維時四壁蕭然儲無擔



石府君歲修所入竭歷奉大母旨甘太孺人有無黽勉力佐薪水或出簪珥衣飾以補不足後大母患中卧牀宛轉枕席者四年太孺人扶持抑搔調護維謹侍奉湯藥或至中夜數起卒無倦容故府君雖常客授於外而大母亦相與安之平居布疏自奉一絹衫歷數十年不易躬率姊氏治絲麻蠶績之事夜則一燈對紡寒暑不輟勲懋常侍府君壻中歸坐紡車側太孺人每歷舉外祖家法或自述少時伶仃諸狀感伯外祖琢岑先生存恤之恩娓娓言之不倦惟時兩世之喪尙在淺土每與府君籌之輒淚泫泫下嗚呼此固太孺人一生之心事不自知其言與淚俱也癸卯府君登鄉薦計偕入都時存齋世父官寧波府學

命不孝 往依讀書乃摒擋為膳脯資次年又為姊氏營出閣事

乙巳歲禮鄉民洵洵太孺人子身持門戶無所畏忌族有議毀

廳事以救饑者太孺人百計護持乃得免其有不舉舉者仍量

為給予平時告急雖減食分衣無不應其克已好施類如此至

於祭祀必潔賓客必豐待戚黨以厚處妯娌以和訓子女以嚴

御臧獲以寬至今族黨人猶能道之年四十後因患目疾常茹

齋誦咒丁未夏姊以憂鬱死既而遺息亦歿自是常忽忽不樂

庚戌府君由山陰轉客皖上嚴冬冰雪涉歷大江太孺人憂形

於色間語不孝 曰爾父垂老風波將為葬親計吾不敢阻但爾

等便當體父苦心發憤圖上進以慰高年因為欷歔者久之今

吾母之言在耳而

不孝

一無成就無可以貽厥令名者其何以

慰太孺人於泉下也嗚呼痛已明年府君受桐川修志之聘夏

五府君歸見太孺人神色驟衰爲治丸藥勸服七月間

勲懋勲

常將赴省試時太孺人患瘧將拜辭而戀戀未忍太孺人作色

曰考試正事汝等當用心角藝吾固無妨也豈知秋深痢作日

甚一日家人馳書促

不孝

等回見太孺人形容骨立醫藥罔效

急遣人迎府君歸則病勢危篤已不能救矣彌留前一夕欲爲

勲常

完娶冀一見新婦府君命

勲懋

往新親處議婚而太孺人

卽於是日溘逝嗚呼生不克盡養死不克送往言念及此終天

之恨萬死莫贖尙何言哉尙何言哉太孺人生於雍正庚戌七



月十八日辰時卒於乾隆辛亥八月廿六日午時享年六十有

二子二 勲懋 邑庠生娶太學生錢 諱 學會公女 勲常 邑庠生娶

贈文林郎貢生吳 諱 霖公女繼娶太學生沈 諱 心學公女女一

適太學生朱 名 雁汀孫三 秉銓 邑庠生聘庠生陸 名 人鑑女次

用銓 勲懋 出 瑜增 勲常 出 不孝 淺植蕪詞語無詮次伏冀

當代立言者俯賜採擇用光泉壤無任哀懇感激之至

...

...

...

...

...

勅授登仕郎慎齋周公行狀

盱江門人陳觀謹撰

歲辛未觀由福建巡道轉任浙之臬司海寧杭所轄也距省城  
僅百餘里吾師慎齋周公世其家焉觀方乘閒謁廬以償數十  
年耿耿之私詎料吾師下世已久諸嗣君且均已援例授職去  
明年其冢嗣勳崇因公晉省手錄師之遺事乞余作狀以誌之  
公以少孤力學壯而服官雖不獲大顯其用而一生之梗概卓  
卓可傳余辱公之知雖不文奚敢辭遂爲之狀曰公諱成業字  
庸玉號慎齋浙之海寧州人也系出宋道國元公後建炎南渡  
時元公五世孫諱嗣源者扈從來杭傳八世諱肇允遁居海寧

之洛塘里祖諱奕康熙辛卯舉人父諱璟雍正乙卯舉人舉丈  
夫子二長諱廣業乾隆戊子副貢癸卯舉人次卽公也生六齡  
而贈公見背家奇窘賴母夏太夫人長之教之年十六隨同里  
父執孝廉祝人齋先生遊先生篤念故人視之如子姪明年先  
生應禮部試偕之入都錢塘侍御姚公成烈一見契合延爲記  
室公乘暇攻舊業不少懈援例入北雍應鄉試薦而不售侍御  
亦不久捐館宦况蕭然賴同官賄賂得歸故里實公贊助之  
力也時先大夫需次都中聞公賢聘至寓卽命觀弟兄受業焉  
公循循善誘矩矱一遵人齋先生未幾先大夫選授浙江金衢  
觀察延公於江右家塾公思親念切屢辭不獲由是學益奮而

課益嚴觀弟兄先後補學官弟子遂辭歸養母不復作遠遊計  
矣居母憂喪祭盡禮服闋入都應乾隆甲午秋試不利值開例  
報捐分發江蘇歷署江陰清河縣尹江陰有張姓鬪毆斃命事  
案懸四年之久公訪得正兇獲之清河永豐壩爲淮鹽商販彙  
集之地强悍者視爲利藪公陳病民者十三條請於上官裁汰  
之上官以其能隨授通州黃橋巡政黃橋地饒沃而民多情悍  
公首以鋤姦剔弊爲事邑有兄弟爭產結訟經年者公積誠以  
開導之卒感悟而輸產於官爲義舉又有黃胡二姓爭婚於許  
氏黃先聘許女矣胡貪女色造穢言以誘其退婚因而成訟官  
以訊無確據未結公廉得其實斷罪於胡而許女仍歸黃姓一


邑稱歎他若河流之久經淤塞者則爲勸捐挑浚以利民田婦  
女之不諳蠶織者公見民婦往來屬舍內署褚太君教之如法  
遍傳以普其利治之東有文昌閣久圯公倡捐修之立文會聚  
邑之文士課焉捐俸以資其膏火治事之暇輒與諸紳士談論  
詩文娓娓不倦蓋公之夙好也又爲創立育嬰施棺兩局置田  
立案以垂永久邑遇水旱則請給籽種賑濟雖忤上官意不惜  
也嗚呼公抱經濟才不獲大展其抱負僅施之於區區彈丸之  
地曾何足以見公然以視今之居高遠謗者又何如耶公內行  
純篤待兄長以敬教子弟以誠器宇軒昂曾次磊落其行誼固  
有不能泯滅者德配褚太君端懿勤儉躬襄內政數十年俱并

并有條尤能得大家體戚黨稱之生子三長君勲崇江蘇候補  
主簿次勲文安徽候補主簿歷署縣尹有能次勲華候補從九  
分發江西女二俱適仕族孫十二人皆業儒時嘉慶壬申秋九  
月上澣五日

清江先生集卷之二

二

日上海五日  
公鑒西文二冊  
出燕經十二人皆業  
亂却嘉劉壬申  
於此  
主勤八無文  
史刻蘇主  
韓聖畧  
練天  
亦論  
六  
興華  
刻  
蘇  
於  
此  
共  
不  
利  
氏  
折  
餘  
大  
於  
難  
知  
黨  
議  
之  
坐  
于  
三  
其  
味  
與  
發  
耳  
藉  
於  
此



上舍周翁仁山傳

仁和寬夫氏趙坦著

君諱以禮字仁山天性孝友精計然術家道充裕上供甘旨得  
高堂歡躬行節儉家人咸受約束暇則涉畧詩書饒有雅致嘗  
倩名手作圖竹屋花潭獨坐岩石室內藏書萬卷一童煮香茗  
一童泊舟以待綠陰遠映山水怡情深得羲皇以上風味覺塵  
寰中無此襟懷也居恒以省躬克己爲務與弟魯山同居三十  
餘載無間言早艱於嗣處之恬然五十餘始得子又能訓之成  
立非循分安命者而能然歟是爲傳

論曰君篤行有素又能出入風雅尙已然非太平極盛之時安  
能怡養林泉哉世運所關每多賢士有以哉



論計養林泉遊世感泖關宜參贊土存以跼

論曰保無汴亦養又論出入風無尚日然非太平

立其辭及安命者而論然然其意

論道無間言早躡然臨數文計然五十翁故詩于又論臨之知

憂中無此特對也其所以省浪哀日為然與余曾山同錄三十

一童成與以特錄劍茲州山水計然翁養皇以上風和覺聖


論孫毛并圖竹風草戰繼坐崇百室內藏書萬卷一童齋香茶

高堂燻浪竹韻劍家入如受條束如限或器端書繪亦無庭嘗

昏新以顛字口山天卦奉文赫精然論家道衣飾土於甘旨

士舍風錄口山對

口麻實夫丹鼓吐琴



國子監學正孝廉晉五公家傳

從姪勳懋撰

嗚呼痛哉余何能傳叔氏也叔氏小於余四歲而問學遠勝於  
余甫入塾與余第笛君蘭江共讀書於穀采齋不好弄能潛心  
理會稍長習制義就章悉合程度時從同邑張蘭九前輩遊歲  
時假歸必攜文就質先子并與兄弟譚文甚樂終日不倦辛亥  
受知於學使竇公補弟子員第一辛酉登賢能之書斯非窮經  
之效與然余之所期於叔者更不僅是也叔幼孤失恃賴庶祖  
母朱撫育成成人每念不及見母氏言輒涔涔淚下事祖母顧繼  
母李曲盡孝道視諸弟極友愛家故貧蘭舟叔祖常遠幕八閩  
更以不得侍奉膝下爲恨此則門內之修信其無遺憾矣且也

叔之曾大父二始公素稱長厚本生祖母王嫠居苦節守志備  
極艱瘁以遭外侮抑鬱得癘疾痛不欲生嘗身投水中蘭舟叔  
祖聞信急無措躍水抱母以起生則孝養得其懽心死則哭泣  
盡哀此則蘭舟公之有待於後者更有在矣叔四試禮闈俱叨  
鼎薦卒不售乃考授國子監學正用是發憤下帷視諸生時尤猛  
居日下六載詣力益精進覃思竭慮淹貫經史名公卿見者均  
以國士目之嘗貽余書曰老人年已六旬旨甘未奉三喪俱在  
淺土窀穸未謀不於此時急圖祿養并藏大事更何待耶噫叔  
之志良苦矣行見振筆蓬山大展抱負若徐孝穆歐陽文忠李  
長沙輩志文人顯達之榮而生者賴以養死者賴以葬也族黨

姻婭之貧乏者賴以周公私之廢墜者賴以舉也孰料戊辰冬  
得咯血症甚危篤主人費南塘侍御贈以參藥百方調護少瘥  
仍力疾赴禮闈報罷心益煩懣病增劇時贈公方六十思所以  
圖報而未能乃跼請當代之品優學粹者製壽序二軸攜歸稱  
觴以當斑衣之舞詎遄行未及十日而叔遽歿於津門舟次一  
時士林聞之莫不爲之酸鼻是真家運之中衰不可挽也已余  
更何能傳叔氏也雖然余不得不傳叔氏也叔名雋業字用英

晉五其別字祖

諱

景顏太學生祖母氏顧庶祖母氏朱本生祖

諱


鼎侯選州吏日本生祖母氏陸氏王父

諱

灋母氏程繼母氏

楊氏李娶泮溪王氏生子勲臣聘呂氏女二一字朱一字倪叔

生於乾隆己丑十一月初七日卒於嘉慶己巳九月十五日春  
秋僅四十有一時嘉慶乙亥夏六月




...其限卒...  
...神...  
...士...  
...以...  
...圖...  
...以...  
...皆...  
...成...

上舍周醇齋先生傳

里人沈毓蓀撰

君諱光亨字泰瞻號醇齋年十八而孤先是學爲文卓然可觀應邑郡試爲先達器重至是膺家務遂棄儒業當時論者謂君年少持家成否未可卜而君律已以儉待物以誠遇事必咨於親族中之老成者而後行故所行無失平生未嘗與人爭競長吏之庭無足跡焉暇好奕一時名手皆推勁敵所誦經史垂老不忘尊人仁山公以盛德著于鄉君爲冢子率履不愆里黨咸謂仁人有後云君娶于高生子三皆克自成立父子篤兄弟睦一門孝友識者稱之余與君季子同受業於名師一山沈夫子之門故知之最詳以君之卓卓可傳焉是爲傳

論曰君累世忠厚至君益篤賢矣哉宜其安常而處順也天之  
 報施善人抑亦善人所自致歟砥行立名者聞先生之風可以  
 興起矣



不志曾入山公以盛辭善于職善為家子率與不遠里黨  
 夷之或無其親親親族突一執各手皆無後始知融融史  
 縣城中之步如香而前計如池行無失平土未嘗與人爭  
 事少社宋如否未何十而後事日以愈計以如融融事必  
 風出縣城為去強器重注最實宋終教棄留業當執編者  
 士合照朝齋武土野

里人武融蒸

文學笛君先兄傳


勳常撰

兄諱勳伊字呂間笛君其別字也長於<sup>常</sup>二年並出曾祖以下

同居合戶親若同胞故行不異長而兄以仲而季焉天才敏贍好讀書爲文不屑屑繩墨而磊落有奇氣詩尤擅場處事接物肆應從心無不盡善性忼爽妙談論以故所至傾倒咸樂親其丰采而倚重其才華無如名日噪而家益貧九踏槐黃一衿賫志初娶嫂氏程再娶氏潘均無出先世窀穸事未及舉而病陔作卒以不起年僅五十四也嗚呼痛哉<sup>常</sup>與兄幼同塾長同遊自成童以前晨夕相對後此雖聚散不常而歲時團聚相見依依猶孩提時也而孰意兄竟舍我而長逝哉夫以兄之孝友能



文不應天奪之速又身後孑然一孤姪煢煢無倚而且以常之  
 迂拙遲鈍賴兄先路之導者正多而今則惘惘然若瞽之無相  
 矣能無痛哉



*(Faint bleed-through text from the reverse side of the page, including characters like '文不應天奪之速', '迂拙遲鈍', '矣能無痛哉', and '常之')*

文不應天奪之速

煢煢無

繼室沈孺人傳

勳常撰

繼室氏沈世居邑之舊滄里故望族也父諱心學字誠求兄尹  
字楚望庠生而室人則太學公之長女也生而淑慎端莊寡言  
笈年十九母孺人金氏歿哭泣盡哀時祖母馬太孺人在堂極  
鍾愛之謂太學公曰余家數傳乏女此女婉婉有德性必擇佳  
婿爲配故太學公之相攸爲特慎云未幾祖母歿而室人益苦  
無依且幸太學公強健而文學亦友愛其妹豈料文學降年不  
永而太學公以晚境拂逆恒鬱鬱不樂嘗以縱飲爲排遣計室  
人間用婉言勸止勿拂其意旣得軟脚病劇則坐卧需人室人  
護持維謹凡事先意承志而能得其歡心是室人之以女盡子

職也乙丑冬余就婚其家見其舉止動合禮法與其嫂雍和無  
間居一月偕歸余家竭蹶爲貧人婦凡女紅蠶績之事靡不諳  
練而周悉之處家條理井然余貧負郭田不足膳朝夕又拙于  
謀生丙寅株守里門窘益甚室人憂心耿耿然絕不作聲惟率  
其婢竭力操作以佐薪水一燈熒然紡聲徹中夜疢作則齒格  
格有聲或夜汗不止勸之服藥節勞毅然弗顧其勤苦若此故  
祭祀賓燕仍得不廢而余亦恬然忘其爲貧也平居小心恭順  
敬余如賓處妯娌和而得中接姻黨恭而有禮至今人猶稱之  
是室人之克修婦道也嗚呼猶憶余之初至室人家也室人謂  
余曰妾不幸失怙恃外唯母舅內惟寡嫂是依禮有未周幸勿

罪余笑曰君得毋以余爲嬌客乎君勿言余固安之也然室人則惴惴焉惟恐有失嘗恨幼不識字閒或以字相質一日手書數種謂余曰此亡兄所蓄也兄能讀書孝友不幸早世亡後卷帙縱橫承雷飽蠹心爲惻然因曝而藏之此爲夫子破寂計可乎然則室人愛書如此勝于識字多矣太學公家裕蠶桑故室人幼工織紵又好習勞所有簞篋衣均出自已手遇門外迎燈演劇事置如弗聞太學公歿後足跡不踰榻書室本與內居隔遠有中表親偶聚劇其中室人義不可令扁鑰之其能明大體率類是余落拓無狀長困窮以累室人今始舉一子親友方爲余賀豈料兒生而室人死耶室人死而余獨存而兒且呱呱泣



